

BIELO NA KATI YA KIELO

 ...awa na suka yayi. Mu vwandaka banza na ntangu mu kwizaka na Flagstaff na mbala ya ntete. Ya me kuma pene, mu banza, pene ya bamvula makumi tatu na nana me luta, ya lendaka vwanda makumi yiya. Mu vwandaka tuba samu na kumata na zulu ya mongo. Mvula ya mpembe vwandaka ve, kasi mwa Model-T ya munu lendaka mata na mongo. Ya lendaka kwenda na ba-kilometre makumi yiya na nana na ngunga mosi, kasi ya kele kumi na tanu mutindu *yayi* mpe kumi na tanu mutindu *yina*, beno zaba, na banzila yankaka beto kuzwaka awa. Mpe ya vwandaka kieleka . . .

² [Mpangi mosi ya bakala na estrade me tuba, “Samu na yinki nge lenda pesa beto ve poweme yina ya Ford?”—Mu.] Mpangi Carl! [“Pardo.”] Ve. Yandi ke tuba na munu samu na mwa poweme mosi yina mu sonikaka kilumbu mosi, samu na Ford ya munu. Ya kele ve kisika ya mbote ya kupesa yawu, Mpangi Carl.

³ Na yina, beto ke vutula matondo mingi. Mpe mu kuzwaka bimbangi mingi ya mbote na suka yayi, yina mu kuwaka na bampangi yayi, mu kutanaka na bayankaka.

⁴ Mpe ya vwandaka na longi yayi yina tubaka awa, mpangi mosi ya ntwenya ya Espagne yina pesaka yandi . . . ntangu ya mwana ya bakala ya ntwenia na kuyimba. Yina vwandaka ve kitoko samu na ndinga ya mwana ya bamvula sambanu? Oh, mwa ndinga ya kulutila kitoko yina mu me kuwaka ntete ve, samu na mwa mwana ya bakala mutindu yina.

⁵ Ntangu yayi, mpangi-bakala yayi, bampangi me zimbana yandi, kasi yandi ke na kusala lukutakanu mosi awa na kati ya mbanza ya beno. Mu banza ti ya kele kuna na dibuundu ya Nzambi, to na ba-Assemblée de Dieu? [Mpangi-bakala me tuba, “Ba-Assemblée.”] Ba-Assemblée de Dieu, kuna na ba-Assemblée de Dieu. Mpe mu ke kwikila ti bawu ke sepela na mvwandulu ya beno—ya beno. Bilumbu yikwa lukutakanu ke vwanda, mpangi-bakala? [“Tii na Lumingu.”] Tii na Lumingu. [“Lumingu na nkokila.”] Tii na Lumingu na nkokila. [“Beto ke vwanda na kisalu ya bankunga na nkokila yayi.”] Tata? [“Beto ke na kisalu ya bankunga na nkokila yayi.”] kisalu ya bankunga na nkokila yayi. Ntangu yayi ba me bokila beno na ntima nyonso na kukwiza na lukutakanu yayi. [“Na ngunga ya sambwadi na ndambu.”] Na ngunga ya sambwadi na ndambu, na nkokila yayi. Mpe wapi kisika kele dibuundu, mpangi-bakala? [“113 West Clay.”] Nge zola tuba na beto kisika ya kele? [“113 West Clay.”] 113 West Clay Street, kaka awa na kati ya mbanza ya Flagstaff. Mpe—mpe mu ke kwikila ti beno ke . . .

⁶ Mwana-bakala ya ntwenia kele na nge? [Mpangi-bakala me tuba, "Ve."—Mu.] Ve, papa ya yandi ke yimba. Nge ke yimbaka, mutindu yina ve? Mbote, ya kele mbote, mu ke sungiká yawu, mbala mosi. Mbote, ya kele mpasi mingi ti beno ke mona yawu; kasi ya kele, na mumesanu, kana ya kele na nsalulu ya mbote na kati ya dibuta, ya ke bakaka na—na nyonso ya yawu, mu banza. Na yina bawu kele...[“Nionso bandaka na kumanga madia mpe kusambilá, Mpangi Branham.”] Kumanga madia mpe kusambilá, ntangu yayi ya kele—ya kele kieleka mbote.

⁷ Ntangu yayi, beno zaba, kana Amerika, beto nionso kintwadi, mabuta ya beto nionso ya Amérika vwandaka mutindu yina, mbote, ba ke katula kaka bapulusu nyonso. Millenium ke banda, mutindu yina ve? Beto zolaka vwanda kaka na kalasi ya ntete kuna. Ya kele kieleka. Lufwa nionso ke zimbana, bimbevo nionso, kiadi, mawa, bakiadi nionso, mpe beto ke vwanda na Klisto.

⁸ Na yawu, beto kele na kyesé, mpe mu ke kuwa bimbangi nyonso yayi ya mbote! Mpe mu kuzwaka bweso ya kukutana na Mpangi Earl, na mbala ya munu ya ntete. Mpe—mpe mazono na nkokila mu vwanda zonza na kento ya yandi, mpe—mpe ba bokilaka yandi mpe yandi me belukaka, bambala mingi, na balukutakanu; yandi tubaka, na lukutakanu ya nsuka yandi vwandaka na estrade.

⁹ Na yina, ya ke sala beto fioti, mutindu mwa sense mosi ya kusekisa. Mu me bambuka moyo ve na Mpangi Earl, ata ti mu pesaka yandi kisika mosi kuna. Mpe—mpe mu vwandaka ya kuvwanda na nela, mazono na nkokila, mu vwanda vingila yandi kukwiza. Mpe muntu mosi ya nene ya yinda kwisaka, yandi vwandaka na mandefo ya ndombe ya yinda. Mu tubaka, “Yandi yayi me kwisa.” Mpe na yina ntangu...Billy, mwana ya munu ya bakala, tubaka, “Oh, ve,” yandi tubaka, “yina kele ve Mpangi Earl. Yandi kele ntwenia mingi kulutila muntu yina.” Mpe na yawu mu zolaka kutana na Mpangi-kento Earl awa mazono na nkokila, mpe mu vwandaka na bweso ya kuvwanda na yinzo ya bawu ya kitoko awa na mbanza.

¹⁰ Yayi kele kisika ya mbote. Mu ke zolaka ntangu nionso kubokila yawu *flagpole* na kisika ya Flagstaff, kuna na zulu ya mongo awa, beno me mona. Mpe, mu ke tuba na beno, kana ya kele na muntu awa ya Texas, ntangu yayi beno pesa lukumu. Mu bikaka Tucson, mazono, pene ya makumi sambwadi na zole to makumi sambwadi na tanu, kisika mosi kuna, mpe na zulu awa na suka yayi mu me lwata kazaka. Beno me mona, yina bawu kuzwaka na Texas, beto kele na yawu na Arizona, mutindu yina ve? Ya kieleka. Beto kele kaka awa.

¹¹ Mpe na ntangu yayi ya kubundana...Kiboba ya Docteur Bosworth, nkundi ya munu, mingi kati ya beno lendaka zaba Mpangi Bosworth. Yandi vwandaka mosi ya bakala ya kulutila

santu. Mpe yandi tubaka na munu kilumbu mosi, yandi tubaka, “Mpangi Branham, nge zaba yinki *kubundana* kele?”

Mu tubaka, “Mu banza mutindu yina, Mpangi Bosworth.”

¹² Yandi tubaka, “Ya kele bantu zole na kati ya masuwa mosi, na yina ba fwana kabula fioti.”

¹³ Na yawu ya kele yina *kubundana* kele, beto ke baka mpe ke pesa, ke kabula na mosi na yankaka; na Mpangi Carl Williams, bayankaka nionso, Mpangi Outlaw. Oh, mosi ya bantu ya ntete na Arizona yina simbisaka lukutakanu ya munu, vwandaka Mpangi Jimmy Outlaw, mpe beto kele bampangi ya kieleka kubanda ntangu yina. Mpe beto ke na kiese mingi samu na beno nionso, samu na balongi mpe bampangi yina beto ke kutana awa. Mu kele na ntangu ya kupesa mbote na muntu nyonso ve, na yina mu zola, kasi ya kele *kubundana* kisika beto ke vukanaka.

¹⁴ Ya ke bambuka kaka munu moyo na—na lukutakanu ya Phoenix. Mu me kuzwa bweso, kubanda makapu ya ntete bandaka, na—na kusadisa makapu mpe kuzonza na kati ya bawu. Mpe ya kele organisation mosi kaka mu kele, mpe ya kele organisation ve. Ya kele kaka organisme yina ke sala na kati-kati ya bantu.

¹⁵ Mpe kana bayankaka na kati ya beno kele awa na suka yayi, yina—yina kele ve ya *kubundana* yayi, ya Bantu ya Mumbungu ya Baklisto yayi, ya Nsangu ya mbote ya Muvimba, ti...kana beno ke kwikila mpe ke baka ndinga ya munu, ya kele mosi ya bankonga ya bantu ya kulutila mbote. Mpe—mpe na bampangi yina ke salaka balongi, ya kele ve samu na kutelemina dibuundi ya beno, ya kele samu na dibuundi ya beno. Beno me mona, ya kele mutindu ya bawu ya kutula na—na dibuundi.

¹⁶ Mu me tala kaka mama yayi ya luzolo awa yina vwandaka me yimba kaka nkunga yayi na mwa ntangu fioti me luta. Mu me kuwaka bakumeka mingi ya yawu, kasi mama yina vwandaka na ndinga yina lendaka nata yawu na ntwala, beno zaba, kukondwa kuboka ya yawu, mutindu yayi. Mu zolaka yawu mingi, mama, ya vwandaka mbote mingi, mingi. Yandi tubaka ti ya vwandaka kento ya longi mosi awa. Mpe, mpangi, beno fwana kuzwa yandi kuyimba beno kulala konso nkokila, samu ti ya vwanda kieleka mbote, kieleka mbote. Ya vwandaka kieleka kuyimba ya mbote. Mu sepelaka na yawu.

¹⁷ Mpe, na suka yayi, ya ke bambuka munu moyo ya mwa—mwa disolo mosi. Ti, mu—mu ke zolaka kuzomba mpe kuloba, mpe yina kele mosi ya bikuma mu kele awa na Arizona, na yawu, mu ke na kuzomba mpe kuloba. Mpe mu zola yawu. Mpe na yawu mu vwandaka loba mbisi kilumbu mosi na New Hampshire.

¹⁸ Mpe mu banza ti mu kele na bantu mingi awa yina ke zolaka kuloba, bawu zole na bakala mpe kento, mpe, beno me mona. Beto nyonso zola yawu.

¹⁹ Na yawu mu vwandaka na mwa tenta mosi ya kufuluka na bantu, kuna na zulu, beno zaba bampangi, mutindu mwa kilo to kima mosi, lendaka ve kutambula kuna. Mpe ya vwandaka na bambisi mingi ya kitoko, ya matono, ya tinta ya café, na mukila ya kale, na laka ya kuzenga. Oh, bawu kele kaka ya kufuluka, mwa banzila yina vwandaka kulumuka na zulu ya myongo na New Hampshire. Mpe mwa muntanda, mu banza ba-centimetre makumi tatu na tanu, makumi yiya na yinda, kaka mingi na kati ya yawu! Mpe mu ke kaka... Mu ke kwenda kuna mpe mu ke simba bawu, kaka samu na kusakana na kukanga bawu, na manima kubika bawu. Kana mu kufwa mosi, kuna mu—mu me kudya yina, beno me mona, mu ke nata yandi na kati.

²⁰ Na yina mu kuzwaka ndambu ya bayinti yayi saule yina vwandaka kula, mpe—mpe ntangu nionso mu vwandaka zibula nsinga ya ndobo ya munu... Mu vwandaka na Royal Coachman ya fioti. Mu ke pumbuka kuna na zulu na yawu, mu ke zenga yawu na zulu ya nkonga ya ba-élan ke zenga. Mpe mu banzaka, “Mbote, mu ke baka yimpu mpe mu ke mata kuna, na suka yayi, mpe—mpe ke zenga yawu ba-élan ke kubwa, na yawu ti mu ke simba ve nsinga ya munu na zulu ya yawu.” Oh, mu talaka na manima na nsi ya mwa... mutindu barrage ya kutunga, mpe ba vwandaka ya kutandama kuna, ba vwandaka vingila Coachman kukuma na bawu. Ntangu yayi, mpimpa nyonso ya yinda... Mu vwanda tuba, “mu me kuzwa nsuki ya munu,” kasi mu kele ve na nsuki mingi samu na bawu na kukota ntangu yayi. Na yawu mu vwandaka... Mu kaka... bawu kaka mutindu bawu—mutindu bawu ke tala bawu mbote. Mpe na yawu mu mataka kuna, na suka yina, mu bakaka mwa yimpu yayi ya ntama, mpe mu zengaka babuku yayi ya ba-élan. Mpe mu vwandaka na tatu to yiya, yina mu vwandaka kwenda yidika samu na madya ya suka, mpe kuvutuka. Mpe mu kele ve kieleka na kulamba ya mbote. Mpe na yina mu tubaka na kento ya munu ti mu lendaka ve kutokisa masa kukondwa kuyoka yawu, na yina beno zaba ti ya ke vwanda kieleka kisalu ya yimbi samu na kulamba.

²¹ Na yawu, na kuvutuka ya munu, ya vwandaka na mama mosi ya ulusu ya kiboba mpe ba-ulusu zole, mpe ba kotaka na mwa tenta ya munu. Mpe beno ke tambula pene ya kubeba ya kima mosi, beno zaba ve wapi mutindu bima lendaka vwanda ya kubeba tii kuna beno ke bika ulusu kukota na kati ya tenta. Yandi, ya kele ve yina bawu ke bebisaka... yina bawu ke kudyaka, mu zola kutuba, ya kele yina bawu ke bebisaka. Mu vwandaka na mwa kikalangu, mwa kikalangu yayi ya tuyungi kuna na kati, mpe ba vwandaka kota na mwa four yayi mpe vwandaka dumuka mpe kukulumuka, samu na kuwa ezely, mpe kupanza yawu na bitini, beno zaba. Mpe ntangu mu basikaka, mu vwandaka na mwa munduki mosi ya fyoti ya tiya ya .22 ya kutula na kati kuna, kasi mu vwandaka na nsoka yayi na diboko ya munu.

²² Mpe, beno zaba, ntangu mu kwisaka, kiboba ya mama kimaka mbangu na lweka mosi, mpe yandi kokulaka na bana ya yandi. Mpe mwana mosi landaka, mbote mingi; kasi yina yankaka vwandaka, mwa kima ya fioti. Na Ngonda ya tanu, beno zaba, ya kwisaka. Yandi vwandaka na mukongo ya kukangama na munu, mutindu *yayi*. Mpe mu banzaka, “Yinki yandi ke na kusala?” Mbote, na yina yandi talaka munu. Mpe mu vwandaka sosa yinti, samu na kumona kaka mutindu—mutindu pene-pene ya vwandaka, na yina ba lenda kalata beno, beno zaba, na zulu ya bantwenya ya bawu. Mpe, bawu, beno lenda basisa bawu ve na yawu, beno me mona. Na yina mu vwandaka tala mama ya kiboba mwa ntangu fioti, beno zaba. Yandi vwandaka boka na ngolo, mpe ke sala makelele, kima mosi mutindu ndeke. Beno zolaka zaba yinki muningu ya mutindu yayi. Na yina yandi landilaka na kukokula na mwana yina, mpe mwana yina lendaka kwisa ve.

²³ Mbote, mu banzaka na munduki ya munu. Mpe mu banzaka, “Ve, kana mu kota na mbangu kuna mpe kubaka munduki yango, kana mu ke bula masasi na kiboba ya mama, mu ke bika bansiona zole na kati ya mfinda,” mpe mu zolaka ve kuvwanda na kizitu yina. Mpe, na ngaanda, kizitu ya yandi, makumi zole yina zolaka vwanda mwa fioti, beno zaba. Mpe bantangu yankaka ya me kwenda ve, ya fwana balula yawu bambala tatu to yiya samu na kusala yawu kukwenda. Na yawu mu banzaka, “Mbote, mu ke kota kaka na yinti yango kuna, kana yandi banda awa. Mu ke telama kuna na kati ya yinti, ba pesa munu mwa kinieminu mpe mu ke bula bawu kaka pene ya mbombo.” Mbombo ya bawu kele kieleka na lembami. Mpe bawu ke dila kaka, na yina kwenda kuna, beno zaba, mpe bawu ke bika nge swi. Na yawu mu banzaka, “Mu ke kota na yinti yango.”

²⁴ Kasi ngitukulu ya mwa muntu yina, oh, ya kuvwanda mutindu *yayi*. Mpe mu banzaka, “Yinki yandi ke na kusala?” Na yawu mu balukaka na malembe, mu vwandaka ke tala yandi, beno zaba, mu kwendaka fioti ntama, mpe mu kumaka pene-pene ya yinti, samu ya vwandaka landila na kukokula na mwana yina. Na yina mu kwendaka fioti kuna, mpe beno zaba yina mwa mwana yina salaka?

²⁵ Ntangu yayi, mu ke zolaka ba-crêpe, to pancakes, mu ke kwikila ti beno ke bokila yawu, awa. Kuna na Sude, beto ke bokila yawu ba-crêpe. Mpe mu zaba mbote mingi ve kusala yawu, kasi kieleka mu zaba mbote kudia yawu. Mpe, beno zaba, mu vwandaka Baptiste. Mu ke zolaka ve kumwangisa masa; ya kieleka mu ke zolaka kubotika yawu, ya kieleka kutula yawu na zulu ya yawu. Na yina mu kuzwaka kantini ya mélasse, pene ya yinda mutindu *yayi*, ba me tulula kuna, mwa kati-kati ya kati-kati ya mulangi samu na ba-crêpe ya munu.

²⁶ Mpe mwa niama yina, beno zaba, ulusu ke zolaka mingi, na mutindu nionso. Yandi vwandaka na kantini ya molasse yina ya

kuzibuka. Mpe yandi vwandaka ya kuvwanda kuna na mwa pate yina pene ya nene mutindu *yayi*. Mpe yandi vwandaka na yawu na maboko ya yandi, mpe yandi vwandaka ningisa kaka mwa makulu ya yandi, mpe vwandaka lesa mutindu *yina*, beno zaba. Ya kele kieleka. Mpe yandi zolaka lekita mwa ludima yina. Mpe mu bandaka... Mpe kana mu vwandaka kaka na camera, mu zolaka talisa yawu na suka yayi, kaka samu na kutala yawu. Mpe kuna yandi vwandaka, na kutulaka mwa makulu ya yandi na yisi kuna, mpe vwandaka lesa mutindu *yina*. Mpe mu bokaka, “Basika kuna,” mutindu *yina*. Mpe yandi vwanda kipe munu ve, mpe vwanda landila kaka mutindu *yina*. Yandi zengaka kantini *yina*, beno me mona.

²⁷ Mpe mu bokaka na yandi mutindu *yina*, yandi balukaka mpe talaka munu mutindu *yina*. Yandi lendaka ve kuzibula meso ya yandi, yandi vwandaka kaka ya kufuluka na ba-manassé, beno zaba. Na zulu ya meso ya yandi nyonso, kivumu ya yandi ya fytot, kaka ya kufuluka na manassé mutindu yandi lendaka vwanda! Mpe na *yina*, na manima ya mwa ntangu fioti, yandi kwendaka tengu-tengu na lweka yankaka, yandi kwendaka mbangu na mama ya yandi. Ba nataka yandi kuna na kati ya mfinda mpe bandaka na kulekita yandi. Bawu vwandaka na boma ya kuvwanda na kantini, kasi bawu lendaka lekita yandi.

²⁸ Mpe mu tubaka, “Kana ya kele ve mutindu ya lukutakanu ya mbote, ya ntama ya pantekote; beno vwanda kaka ya kufuluka na kima ya mbote, ya mbote, bawu ke basika, mpe muntu ke lekita na yawu. Yina kele lukutakanu ya kieleka ya kubundana. Ntangu yayi beto me kwisa kaka mutindu yayi, samu na kubaka maboko ya beto na kati ya kantini, mosi na mosi ya beto, tii na diboko *yina* ke kwisa, balusakumunu ya Nzambi me kwisa. Mpe mu ke kwikila ti beno ke tala yawu na reveal *yina* kele kuna na ba-Assemblée de Dieu, ke na kulandila kuna ntangu yayi. Mfumu sakumuna beno.

²⁹ Mu tubaka na Phoenix, kilumbu *yina*, mwa... Mu banza ti ya vwandaka wakana kuvwenza ve, samu na mwa kuseka mosi samu na longi *yina* ke kwenda na estrade konso suka, samu na bamvula makumi zole, ya kukangama, yandi ke longa baminuti makumi zole, mpe na manima yandi ke salama, mpe na yawu bawu lendaka bakula ve samu na yinki ya vwandaka. Mpe na yawu, na suka mosi, yandi longaka pene ya bangunga yiya. Mpe ba-diacre bokilaka yandi na kuvutuka, mpe—mpe ba tubaka, “Pasteur, ya kieleka beto ke zolaka nge.” Yandi tubaka, “Beto—beto ke banza ti bansangu ya nge kele mbote.” Mpe yandi tubaka, “Beto zaba, mutindu kimvuka ya badiakre, beto vwandaka tala nge mbote mpe ntangu nge, kieleka baminuti makumi zole konso Lumingu na suka.” Mpe yandi tubaka, “Na suka yayi ya vwandaka bangunga yiya.” Yandi tubaka, “Beto ke bakula kaka ve.”

³⁰ Yandi tubaka, “Mu ke tuba na nge, bampangi.” Yandi tubaka, “Konso suka, ntangu mu ke kwenda longa,” yandi tubaka, “ntangu nge ke bokila munu na kisika ya malongi, Mu ke kota mpe mu ke tula mosi ya ba-Mvulusi ya Luzingu yayi na yisi ya ludima ya munu. Mpe,” yandi tubaka, “na minuti makumi zole, ntangu Masuwa yina ya Luzingu ke kwenda,” yandi tubaka, “Mu—mu—mu me manisa,” yandi tubaka, “Mu zaba ti ya kele ntangu ya kusukisa.” Mpe yandi tubaka, “Yinki vwandaka foti na suka yayi, mu kele na buto.”

³¹ Carl Williams, Jewel Rose, bampangi ya kieleka mpe bankundi ya munu, bawu kwendaka na kati ya mbanza kilumbu yankaka yina, mpe yandi kuzwaka buto mosi ya nene mutindu *yayi*, samu na kupesa munu, mpe, kasi mu me kuzwa yawu ve na suka yayi. Na yawu, beto ke vutula matondo na kuvwanda awa.

³² Ntangu yayi, ya kele na muntu awa yina zaba Docteur Lee Vayle? Mu banza ve...mbala yankaka ve. Yandi vwandaka longi ya Baptiste, Docteur na Divinité, mpe yandi kele na ba-diplome ya yandi. Yandi vwandaka mulongisi ya nene ya lukolo, na kubanda, mpe yandi kele muntu mosi ya mbote mingi, ya mayela mingi. Mpe ba-bande ya munu ya *Bansungi Sambwadi Ya Dibuundu*, mu fidisaka yawu na yandi, samu na kubongisa grammaire ya yawu. Samu ti, nzonzolo ya munu ya ntama ya Kentucky “hit, hain’t, mpe tote, mpe carry, mpe fetch,” yina ke kwenda mbote ve samu na bantu yina ke tangaka babuku, na yina yandi zolaka bongisa grammaire ya yawu samu na munu. Mpe kuna, na manima yandi me manisa, me fidisa yawu bambala zole to tatu, samu na bansamunu mingi. Na yina, buku ke basika na masini ntangu yayi, na manima pene ya bamvula tatu to yiya.

³³ Yandi yufulaka munu, yandi tubaka, “Mu lenda sonika buku, kaka mulabu ya munu?”

Mpe mu tubaka, “Mbote, ya kele nyonso ya kulunga, Mpangi Lee.” Mpe mu banzaka . . .

³⁴ Na yina yandi tubaka, “Mu ke tuba na nge kima mosi.” Yandi tubaka, “Ba ke tekisa yawu ve; ba ke kabula yawu.”

Mu tubaka, “Mbote, na yina, mu ke kwikila ti ya ke mbote mingi.” Beno me mona?

³⁵ Mpe na yina bawu vwandaka na kusimbisa, bantu pene ya kumi samu na kusimbisa yawu, ya ke lomba bawu ba-dollars mafunda kumi na tanu, mu banza, mu me bakula, mafunda kumi na yawu. Mpe na yawu beto—beto kele na yawu, yawu nyonso me katuka na presse mwa bilumbu me luta, mpe beto me kuzwa kaka zole to tatu, mazono, mpe Billy me nata yawu. Mpe ba ke—ba ke kabula yawu. Ntangu yayi, mu me tanga ntete yawu ve, mu zaba ve yina yandi me sonika. Kasi mu kele. . . Yayi kele na lukwikilu. Kasi mu ke kwikila, kana beno zola kuzwa mosi, kana beno lenda sonikila kaka beto, ba ke fidisa yawu na beno,

ya mpamba. Beno me mona? Mpe ba ke bokila yawu *Profete Ya Nsungi Ya Makumi Zole*.

³⁶ Mpe kuna mu talaka na foto awa, na ntwala ya buku, mingi na kati ya beno kele na foto yayi, ya kieleka, mpe monaka Yawu, ya kele kisika yina ba bakaka Wanzio ya Mfumu na Houston, na Texas. Kasi ba zengaka kitini ya Yawu.

³⁷ Na yina mu ke mona awa na manima. Mpe bantu yikwa awa me vwandaka ntete na mosi ya balukutakanu, beto tala? Mu banza ti beno nionso kele na yawu. Beno ke kuwaka munu kutuba, bambala mingi, “Kivudi yina kele na zulu ya muntu mosi.” Ntangu yayi, beno me mona, kana beno sala nsamunu mosi, mpe ya kele kieleka ve, Nzambi ke vwanda ve na kima ya kusala na yawu. Beno zaba ti Nzambi kele ve ya kuvukana na baluvunu, kasi Yandi ke simbidilaka kaka yina kele kieleka.

³⁸ Na yawu ntangu Yandi tubaka na Moïse, ntangu Yandi kukutanaka na yandi kuna na ntoto ya kuyuma, na Dikunzi ya Tiya, kuna na divunda ya tiya yina, na yina ntangu Yandi basisaka bantu yina, mpe bayina ke landa Moise, samu na nzietolo, na yina Yandi kulumukaka na zulu ya Mongo ya Sinaï, Dikunzi yina mosi ya Tiya, mpe siamisaka ti yina Moise tubaka vwandaka kieleka.

³⁹ Ntangu yayi, Nzambi ke sala yawu. Yandi ke salaka yawu ntangu nyonso. Na yawu Nsemo yayi *awa*, ya kieleka, beto ke vukisaka Yawu na Nzambi, samu ti Yawu kele na nkadulu mosi mpe nyonso yina Yandi salaka ntangu Yandi vwandaka awa na zulu ya ntoto.

⁴⁰ Na yina na zulu ya yawu, na kutubaka, “Muntu yayi awa, mu ke mona ti nge me fikama na kivudi ya lufwa, kivudi mosi ya ndombe.” Bantu yikwa, mingi na kati ya beno me kuwaka yawu kutuba! Mbote, awa ntama mingi ve na lukutakanu mosi, ya vwandaka na muntu mosi ya ngitukulu, zolaka mona kana ba lendaka baka foto ya yawu, ntangu Yawu tubamaka. Na yawu bawu... Ya vwandaka na mama mosi vwandaka ya kuvwanda pene-pene, mpe bakala yayi vwandaka na camera. Mpe mu tubaka, “Mama yayi kele ya kuvwanda awa, kele Mama *Kingandi*,” nionso yina ya kele. Mu tubaka, “Yandi me fikama na kivudi ya lufwa, kasi yandi kele na cancer.” Mpe kaka na ntangu yina yandi bukaka foto, samu yawu vwandaka pene-pene. Mpe ya vwandaka kuna, beno me mona, cancer yina ya kukangama, cancer ya ndombe ya lufwa ya vwandaka tepa na zulu ya kento yayi. Mpe kuna Mpeve-Santu zonzaka dyaka...

⁴¹ Ntangu yayi, ntangu ba kotisaka yayi na buku, ba katulaka yawu, na yina bawu tulaka kaka yayi awa tii kuna ba ke basisa mukanda yankaka. Mpe ya kele samu na yina beno ke mona dikasa yina na kati kuna. Mu banza ti *Ndinga Ya Kubeluka* vwandaka yandi yina pesaka buku.

⁴² Mpe ntangu yayi ya kele kieleka na kimpwanza. Mpe bantu yina ke simbisaka lukutakanu awa na manima ya buku, bayina tulaka bankama kumi na tanu ya ba-dollar na kati ya yawu, kaka samu na kubasisa yawu na ntwala ya bantu, ti bantu kutanga yawu. Na yawu, ya kele ya mpamba, mpe ya kele mwa buku mosi ya mbote. Mpe mu zaba ve yina kele na kati, mu me tanga ntete yawu ve; Tata zaba yawu.

⁴³ Kasi beno me mona, Yawu vwandaka, samu na munu, Yawu kele Kieleka ya dikunzi. Yawu yina beto ke vingila, kele Kieleka. Yesu tubaka, “Beno ke zaba Kieleka, Kieleka ke pesa beno kimpwanza.” Mpe Yandi kele Kieleka. Yandi kele, Yesu, Mwana ya Nzambi, kele Kieleka ya Ndinga, samu ti Yandi vwandaka Ndinga yina me kuma nsuni. “Na mbandukulu vwandaka Ndinga, mpe Ndinga vwandaka na Nzambi, mpe Ndinga vwandaka Nzambi. Mpe Ndinga kumaka nsuni mpe zingaka na kati-kati ya beto.” Na yina, yina salaka Yandi Kieleka, samu Ndinga kele Kieleka, mpe Yandi vwandaka Kieleka.

⁴⁴ Ntangu yayi ntangu beto ke mona Yandi kuyutuka na bilumbu yayi ya nsuka, mouvement yayi ya nene ya Nzambi, ke tambula na bayinsi ya yinza, kuvukana ya bantu samu na Kento ya makwela, yina kele Kieleka.

⁴⁵ Bamvula me luta, bawu tubaka, “Ya vwandaka ve na kima mutindu kuzonza na bandinga. Ya vwandaka buzoba.” Nzambi silaka yawu, mpe Yandi talisaka ti ya kele Kieleka. Ya kieleka.

⁴⁶ Muntu mosi tubaka, na suka yayi, mu banza ti ya vwandaka mpangi ya beto ya kento ya lukumu kuna yina ke salaka na bana mingi na yina me tala mbotika ya bawu, yandi tubaka, “Beno lenda kuwa muntu kuzonza na bandinga. Kasi, samu na kuwa muntu kuyimba na bandinga, beno me mona, ya vwandaka kima mosi ya kitoko mingi.”

⁴⁷ Mu ke bambuka moyo na nzingulu ya munu ya ntete mu vwandaka na Rediger Tabernacle na Fort Wayne, na Indiana. Mpe mu vwandaka tuba, mu vwandaka sala lukutakanu ya kubeluka ya nzutu, na manima ya lufwa ya—ya Mpangi B. E. Rediger. Mpe Mpangi Bosworth vwandaka kuna, Paul Rader. Mpe mingi na kati ya beno bantu ya kukula, mutindu munu, beno ke bambuka moyo na Paul Rader; mpe yandi vwandaka Baptiste, mpe beto vwandaka, na yawu beto vwandaka bankundi ya nene. Mpe na yawu na ntangu mu vwandaka tuba, mu zolaka sambila samu na bambevo. Ya vwandaka kima ya ngitukulu samu na bawu kuna. Kasi mama mosi nataka mwana-bakala mosi ya fioti kuna, yina vwandaka kikata, mpe, na yina yandi kwisaka na estrade, vision ya Mfumu monikaka mpe tubaka na yandi nionso yina vwandaka diambu ya mwana yayi. Mpe mu lombaka na mwana ya kento yina na kupesa—na kupesa munu mwana ya bakala yayi.

⁴⁸ Ntangu yayi kaka samu na kimbangi ya mpangi ya kento, ti beno lendaka mona wapi kye se mpe yinki diambu ya ngitukulu ya—ya lemvo ya Nzambi, yina Yawu lendaka sala, ntangu Yawu salaka landila Ndinga ya Nzambi, beno me mona, nsilulu ya Nzambi samu na ngunga yayi.

⁴⁹ Ntangu yayi, nsilulu ya Nzambi na Noé ke simba ve samu na beto bubu yayi. Nsilulu ya Nzambi na—na Moise, beto lendaka ve kuvwanda na Nsangu ya Moise. Moise lendaka ve kubaka nsangu ya Noé. Beto kele na Nsangu ya ngunga. Beto zolaka kuzwa ve nsangu ya Luther. Beto zolaka kuzwa ve nsangu ya Wesley. Yayi kele ntangu yankaka. Nzambi kabulaka Ndinga ya Yandi na konso nsungi. Mpe mutindu nsungi yina ke kwisa na ntwala, Yandi ke fidisa muntu mosi kuna samu na kusiamisa Ndinga yina, samu na kusiamisa ti ya kele kieleka. Mpe ntangu yayi beto ke mona na kati ya mosi na mosi kuna, kaka mutindu yina Yesu tubaka ntangu Yandi vwandaka na zulu ya ntoto, Yandi tubaka, “Beno ke tunga bandyamu ya baprofete, mpe batata ya beno ke tulaka bawu na kati kuna.”

⁵⁰ Ntangu yayi, bantu ya munu kele bantu ya Katolika, mutindu beno zaba, na kuvwandaka muntu ya Irlandais. Ntangu yayi beto . . . Ntangu yayi bawu—bawu ke zonzila na yina me tala Santu Patrick, bantu ya Katolika ke tubaka na yandi. Mbote, yandi ke kaka muntu ya Catholique mutindu mu kele. Ba ke tubaka samu na Jeanne d'Arc. Bawu yokaka mwana ya kento yina na dikunzi, samu na ndoki, beto nyonso zaba yawu, samu ti yandi vwandaka ya kimpeve mpe monaka ba-vision. Na yina, mwa bamvula nkama mosi na ntwala, bawu timunaka nzutu ya banganga-Nzambi yina, mpe salaka kibansa, mpe losaka yawu na nzadi. Kasi ya kele ve yina ya ke lomba, beno me mona.

⁵¹ Ba ke kondwaka yawu ntangu nionso. Muntu ntangu nyonso ke kumisaka Nzambi samu na yina Yandi salaka, ke na kuvingilaka na yina Yandi ke vwanda, mpe ke zimbana yina Yandi ke na kusalaka. Yina kele kaka nkadulu ya muntu. Mpe yandi me soba ve nkadulu ya yandi, muntu ya yinza.

⁵² Na yina beto ke mona ti Nsangu ya beto kele, bubu yayi, Nsangu yina beto kele na yawu, ya, “Beno basika na Babylone, mpe beno vwanda na kimpwanza, mpe—mpe beno vwanda ya kufuluka na Mpeve, mpe minda ya beno ya kukubika mpe ya kusema, mpe, beno tala na zulu, mpulusu ya beto ke na kubelama,” bima yayi kele ya nzenza samu na bantu mingi yina ke na kupema mpe ke bokila Nkumbu ya Mfumu ya beto ya luzolo.

⁵³ Kasi na kati-kati ya nionso yina, beto kele na diambu ya yimbi ve samu na bantu yina, bantu ya denomination yina. Ba kele mbote mingi, ba kele mbote. Ba kele ya beto—ba kele bankundi ya beto na Nsangu ya mbote, samu ti Yesu tubaka, “Muntu ve lenda kwiza na Munu kana ti Tata ya Munu kubenda

yandi. Mpe—mpe nyonso yina Tata me pesa Munu, bawu ke kwiza.”

⁵⁴ Na yawu, beto kele kaka na kizitu ya kukuna Bankuna. Bayankaka kubwaka na lweka ya nzila, bayankaka ya ntoto ya mutindu na mutindu, bayankaka kubwaka mpe nataka bima ya mutindu na mutindu. Na yawu, beto kele kaka bakuni Nkuna. Nzambi kele Yandi Yina ke sungika Yawu ntangu Yawu ke na kubwa. Mpe ntangu yayi beto ke sambila ti ntangu yankaka, na suka yayi, ya ke vwanda na Nkuna ya fioti yina ke kubwa kisika mosi kuna, samu na kupesa kikesa na muntu mosi. Mpe kaka mutindu muntu . . .

⁵⁵ Samu na kumanisa kimbangi ya munu samu na ntwenya ya mama yina mu zolaka zonzila. Mama yayi nataka bébé yayi ya fioti, mwana-bakala mosi ya fioti, mu banza, pene ya bamvula kumi, kumi na zole, mpe mbala yankaka ya bamvula yina ve, samu ti kento yayi vwandaka nata yandi. Mpe yandi pesaka yandi. Mpe kaka na ntangu yina, na ntangu mu vwandaka sambila samu na mwana, mwa muntu yayi dumukaka na maboko ya munu mpe kwendaka mbangu na estrade, ya pene ya makumi tatu na tanu to yiya ya mafunda ya bantu. Mpe ntangu bawu salaka yawu, kima ya ntete bawu monaka kusalama, mama yango, yina vwandaka na kiti ya ntewala, kubwaka ngambu mpe balukaka. Mpe mwana-kento ya ntwenia ya Amish . . .

⁵⁶ Beno me zaba ba-Amish? Mu zaba ve kana beno kele na bawu awa, bansuki ya yinda, bawu kele kieleka bantu ya mbote, mpe ya kulutila mbote mpe ya lembami. Beno zaba, na kati ya ba-Mennonite nionso, to ba-Amish, mpe nionso yina, beto kele ve na nkonga mosi ya bubandi ya bana. Beno bokila bawu na mutindu ya ngitukulu kana beno zola, kasi beto—beto kele na kima yina ke kondwa na bayinzo ya beto, ti bawu kele na yawu. Ba kele ve na kisika mosi ya kusonika na mantwala, ya—ya nkadulu ya bantwenya ke kwiza na kati-kati ya bawu. Bawu ke nata bana ya bawu, kaka na mutindu mosi, mpe ya kele mutindu bawu ke kwendaka.

⁵⁷ Mpe ntwenya ya mama yayi vwandaka pianiste ya kuzabana, ntwenya mosi ya kento ya kitoko, mpe yinda, bansuki ya mbwaki ya kuyilama na manima. Mpe ntangu yandi talaka na simu . . . Ntangu yayi, yandi vwandaka Amish, yandi zabaka kima mosi ve samu na Pentecote, mpe munu mpe ve. Kasi ntangu yandi talaka na estrade, mpe monaka mwana-bakala yina ya ntwenia vwandaka luta, yandi vwandaka tambula na simu yina kuna, yandi telemisaka maboko ya yandi na zulu.

⁵⁸ Ntangu yayi, mu zaba ti ya kele na bufanatiki, mpe mu banza ti mu kele ve ya kukubama. Mu—mu kele ve muntu ya luvunu. Mpe mu—mu kele ve. Kana mu me sala yimbi, mu—mu me sala yimbi ve na luzolo ya munu mosi, mu me zaba diambu ya yimbi ve.

⁵⁹ Kasi mwana ya kento yina losaka maboko ya yandi na zulu, mpe bansuki yina kubwaka na zulu ya mapeka ya yandi, mpe yandi bandaka na kuyimba na ndinga ya kuzabana ve. Mpe yandi vwandaka bula nkunga yina, “Munganga ya Nene kele awa, Yesu yina ke kabulaka mpasi.” Mpe ntangu yandi telemaka kuna . . . Mu zaba ti yayi ke kieleka ya ngitukulu ntangu yayi. Kasi mwana ya kento yayi zabaka ata mbala mosi ve kima na zulu ya kuzonza na bandinga, kasi yandi vwanda yimba na ndinga ya kuzabana ve, “Munganga ya nene kele awa, Yesu yina ke kabulaka mpasi.” Mpe piano yina ntangu nyonso vwandaka bula, “Munganga ya Nene kele awa, Yesu yina ke kabulaka mpasi.” Mbote, ba zangulaka ba-autel yayi, mpe kuna na balcon, na ntoto, bantu ke boka! Mwana ya kento yina ya kutelama kuna, na kizizi ya yandi na zulu mutindu *yina*, yandi vwandaka zonza na bandinga yankaka; mpe, piano, bafungula yina mu ke na kusala dyaka:

Munganga ya nene kele awa ntangu yayi,
Yesu yina ke kabulaka mpasi,
Yandi ke zonza bantima ya kubwa samu na
muntu yina ke fyongonina,
Nkumbu yankaka ve kasi Yesu.

⁶⁰ Oh! Ya kele . . . “Disu me monaka ve, mpe dikutu me kuwaka ve, yina kele na kibumbulu samu na beto.” Beno zaba yina mu ke banza? Samu na yinki—samu na yinki beto ke ndima kiyengilu to kaka kima yina kele lukwikilu ya kati-kati, ntangu mazulu kele ya kufuluka na Ngolo ya kieleka, Ngolo ya kieleka ya Nzambi, yina lenda tula moyo na kimpwanza, yina lenda sala kima mosi samu na beto? Nzambi sakumuna beno. Ntangu yayi, ya kele na bima mingi.

⁶¹ Mu me tubaka na beno ata fioti ve kisika kubaka buku yayi, beno me mona. Post Office Box 325 na Jeffersonville. Mpe kana beno ke sonika, na yina, ba ke tinda yawu na beno. Kasi, to, kukwisa tala mosi ya balukutakanu, ba ke pesa yawu.

⁶² Ntangu yayi, mu ke vutula matondo mingi samu na ntangu yayi ya kubundana. Mpe na suka yayi mu vwandaka banza na mwa disolo mosi yina mu vwandaka tuba na Bantu ya Mumbungu ya Baklisto, na zulu ya Zachée. Mingi na kati ya beno me kuwaka munu kutuba yawu, na mutindu ti mwa muntu yayi vwandaka kwikila ve na kuswasikisa mabanza yayi, mpe, ya Mfumu. Na yina, mu banza, mutindu beto kele na yawu na konso nsungi, beno ke mona ya kieleka, na yina beno ke mona bakumekula. Mpe beto fwana kangama kaka na yawu. Kasi bantu ya mbote, ya ngolo mpe bantu ya Masonuku ke bakula, beno me mona. Na yina, beto, mpe ata nyonso . . .

⁶³ Ntangu Mama Aimee Semple McPherson, ntangu yandi vwandaka awa na zulu ya ntoto, na ministere ya yandi, bawu ke tuba ti na kutala konso mulongi ya kento vwandaka lwata

mapapu yango, mutindu, beno zaba, to robe ya mutindu yina, mpe me nata Biblia.

⁶⁴ Beno tala kaka ba-Billy Graham yikwa kele na yinsi bubu yayi. Kasi, beno zaba, Billy Graham lenda ata fioti ve kubaka kisika ya beno. Mu lendaka ve kubaka kisika ya Billy, yandi lendaka ve kubaka ya munu. Mu lendaka ve kubaka ya nge, mpe nge lendaka ve kubaka ya munu. Nge kele muntu mosi, na kati ya Nzambi. Nzambi salaka nge mutindu nge kele, samu na lukanu mosi. Kana beto lendaka kuzwa kaka kisika ya beto, mpe na manima kuvwanda kuna. Kana beto meka na kusala kima ya luswaswanu, na yina, beno me mona, beto kele—beto kele na kizunga ya muntu yankaka, na yina beto ke bebis a kaka kizizi ya Nzambi.

⁶⁵ Beto ke baka mutindu Billy Graham na yinza ya ba denomination bubu yayi, mutindu yandi kele, kana beto lendaka bokila yawu mu banza joueur ya balo, yandi kele na balo.

⁶⁶ Ntangu yayi kana beno meka na kubotola balo na muntu ya beno mosi, beno ke kotisa kaka kimvuka ya beno na muvusu. Beno keba muntu ya beno, beno me mona. Beno keba yandi, beno keba bayankaka ya bawu samu ti yandi sala nzila. Mpe beto ke kuzwa kusimba na manima ya mwa ntangu fyoti, mpe Yesu ke kwiza, mpe kuna ya ke suka nyonso. Mfumu sakumuna beno.

⁶⁷ Ntangu yayi mu ke tuba na yina me tala muntu yayi, Zachée. Mpe mu vwandaka na yandi na zulu ya yinti yayi, beno zaba, na makasa nyonso me benda pene-pene ya yandi. Mpe na yina ntangu yandi basikaka na yinti, yandi kwendaka na yinzo na Yesu. Mpe mu tubaka, “Yandi kumaka mambele ya kapu ya Bantu ya Mumbungu ya Nsangu ya mbote ya Muvimba.” Na yawu kana ya kele na Zachée awa, na suka yayi, Mu banza ti beno ke baka malongi yina ya mbote mpe beno ke kuma mambele ya Bantu ya Mumbungu ya Nsangu ya mbote ya Muvimba.

Beno ke tuba, “Nsangu ya mbote ya Muvimba?” Yinga, tata.

⁶⁸ Ya kele kaka kima yina Yesu zolaka longa, ya zolaka vwanda Nsangu ya mbote ya muvimba. Ya kele kieleka. Ya kele kieleka ve? Kieleka, samu ti Yandi vwandaka Nsangu ya mbote ya muvimba. Ya kieleka. Yandi lendaka manga Yandi mosi ve.

⁶⁹ Kasi ntangu yayi mu kele na mwa Masonuku ya kusonama awa, ya mwa, masonuku ya ntangu nyonso, ya ke baka munu ve kasi kaka baminuti fyoti, kana beno ke tala mpasi na munu. Mpe ntete beto sala yayi . . . Ntangu yayi, na kati ya mwa kubundana ya beto ya kuvukana, mpe kuzonzila na maboko ya ulusu, na kantini, mpe nyonso yina, ntangu yayi beto basisa nionso yayi na lweka ntangu yayi, mpe beto banza ti beto me zaba yawu. Mpe, mpe beto zola ntangu yayi kukota na kitini ya kati ya Ndinga.

⁷⁰ Beto kulumusa bayintu ya beto ntangu yayi, na yina beto ke belama na Yawu. Na yina, beto kele ve na muswa ya kukota na Ndinga, kukondwa kuzonza na Musoniki, ntete.

⁷¹ Na bayintu ya beto ya kukulumusa, meso ya beto ya kukangama, mpe mu ke na kivuvu ti bantima ya beto kele ya kukulumusa na bayintu ya beto. Mu ke kukiyufula, na ntangu mu ke telemisa meso ya munu mpe mu ke tala nkonga ya bantu, kana ya ke vwanda na muntu awa yina ke tuba, na kutelemisaka maboko ya bawu, “Mpangi, mulongi, bambuka moyo na munu na kisambu. Mu kele—mu kele na nsatu bubu yayi”? Nzambi sakumuna beno. Nzambi sakumuna beno. Ntangu yayi Yandi ke na kumona diboko ya beno. Yandi zaba yina kele na nsi ya diboko ya nge, na kati ya ntima ya nge. Bika ti Yandi pesa yawu, ya kele kisambu ya munu.

⁷² Nzambi ya luzolo, na yina beto ke vutula matondo samu na kivinga yayi yina beto, bana ya Nge ya kukikulumusa, lenda vukana beto mosi kintwadi na nsi awa, mpe kutuba kaka mpe kusala kimpangi, kaka kuvwanda beto mosi, mutindu beto ke kukipesa beto mosi na Klisto, mpe beto ke na nsatu ya kukuma ya kulutila mutindu Yandi. Beto kele bampangi ya balungi yina me vwanda pene-pene, Mfumu, bantu yina kele na mingi ya kutelama awa samu na kukuula Ndinga yayi kulutila munu, kisadi ya Nge ya kulunga ve, kasi yawu me kubwa na kisika ya munu. Mpe, Tata, mu ke sambila, bubu yayi, ti kana mu lendaka tuba kima yina ke vwanda kaka ve landila luzolo ya Nzambi, ti, ntete mu tuba yawu, Nge ke kanga yinwa ya munu; mutindu Nge salaka na yinwa ya bankosi, kilumbu mosi, na yawu ba zolaka kwamisa Daniel ve.

⁷³ Tata, beto ke lomba Nge ntangu yayi na kubambuka moyo na mosi na mosi, na konso mulongi. Mpe réveil yayi yina ke na kusalamaka awa na mbanza, Mfumu, kuna na ba-Assemblée ya Nzambi, Mu ke sambila, Nzambi ya luzolo, ti Nge ke fidisa réveil ya mutindu yina na kati kuna ti mbanza yayi ya muvimbba ke kuningana na Ngolo ya Nzambi, ti ba-banganda nionso mpe bana yina ke yenga-yenga na bala-bala ba ke nata bawu na Kiti ya kimfumu ya Nzambi, mpe kuvwanda ya kufuluka na bumbote ya Yandi mpe na Mpeve ya Yandi. Pesa yawu, Tata ya Mazulu.

⁷⁴ Mpe beto ke sambila ti bubu yayi, ti kana ya kele na bakala to kento, mwana ya bakala to mwana ya kento, ya me nata na lukutakanu yayi na suka yayi, awa na nsi ya kiswamunu ya mvula ya mpembe, ti Mpeve-Santu ya nene ke kwiza tala ntima ya bawu mpe ke zonza na bawu, na mutindu ya ngitukulu. Ya lendaka vwanda na bayankaka yina ke na kuyenga-yenga, bayina mbala mosi me kuyamba Nge, Mfumu, kasi ntangu yayi me kwenda; vutula bawu, Mfumu, na suka yayi.

⁷⁵ Mpe beto ke sambila samu na kapu yayi, samu na Mpangi Earl na kento ya yandi, mpe samu na bayankaka. Pesa yawu, Mfumu.

⁷⁶ Ntangu yayi buka beto Dimpa ya Luzingu, mutindu beto ke zibula ba-page ya Ndinga, samu beto zaba ti Biblia kele

ve ntendulu ya muntu mosi. Kasi, Nzambi ke na nsatu ya beto ve samu na kutendula Ndinga ya Yandi, Yandi kele mutendudi ya Yandi Mosi. Yandi tubaka kilumbu mosi, "Bika ti nsemo kuvwanda," mpe nsemo vwandaka kuna. Yandi tubaka, "Mwense mosi ke kuzwa kivumu," mpe yandi zwaka yawu. "Mpe na bilumbu ya nsuka Mu ke mwangisa Mpeve ya Munu na zulu ya bantu nyonso," ata yina yinza ke tuba, Yandi salaka yawu. Yandi kele na nsatu ya mutendudi mosi ve. Yandi ke tendula Bandinga ya Yandi Mosi, na kusalaka ti Yawu kuzinga mpe ke siamisa ti Yawu kele mutindu yina. Kwiza na bantima ya beto, Mfumu Yesu, mpe tendula na beto, bubu yayi, bima yina beto kele na yawu nsatu. Beto me lomba yawu na Nkumbu ya Yesu. Amen.

⁷⁷ Ntangu yayi na kati ya Biblia, kana beno ke baka. Mu ke kwikila ti mu me kuzwaka ntete ve nsangu yina mu me meka na kuzonzila, ti mu me tangaka ntete ve Ndinga. Samu, ndinga ya munu ke kondwa, mu kele muntu. Kasi Ndinga ya Yandi lenda kubwa ve, Yandi kele Nzambi. Na yina beto baka ntangu yayi samu na mwa dilongi ya fioti, mpe beto ke basika kaka pene ya baminuti makumi tatu, to makumi yiya, kana Mfumu zola.

⁷⁸ Na Apocalypse ntangu yayi, beto zola kubaka kapu ya 3 ya Apocalypse, kubanda na nzila ya 14. Mpe beto zola kutanga kaka kitini, ya kele Nsangu samu na Nsungi ya Dibuundu ya Laodicée. Mpe mu ke kwikila, mpe mu—mu banza ti mingi ya bantu ya kufuluka na Mpeve mpe bayina ke tangaka Biblia, lendaka tuba *amen* na yawu, ti beto kele na Nsungi ya Dibuundu ya Laodicée, samu ti ya kele nsungi ya nsuka. Beno kuwa Nsangu ya mutindu ya dibuundu na ntangu yayi.

*Mpe na wanzio ya dibuundu ya... Laodicée sonika;
Bima yayi me tuba Amen, mbangi ya kukwikama mpe
ya kieleka, mbandukulu ya luvangulu ya Nzambi;*

*Mu zaba bisalu ya nge,... nge kele madidi ve tiya ve:
mu zola ti nge vwanda madidi to tiya.*

*Na yina samu nge kele tiya ve madidi ve, mpe madidi
ve to tiya ve, mu ke luka nge na yinwa ya munu.*

*Samu ti nge ke tuba, mu kele mvwama, mpe mu me
fuluka na bima, mpe mu kele na nsatu ya kima ve; mpe
nge zaba ve ti nge kele muntu ya kiadi,... muntu ya
mpasi,... mputu,... mpofo, mpe kinkonga:*

*Mu ke longa nge na kusumba wolo yina ba me meka
na munu... tiya, ti nge ke kuma mvwama; mpe bilele
ya mpembe, yina nge lenda lwata, mpe nsoni ya nge ya
kinkonga ke monana ve; mpe kupakula meso ya nge na
nkisi ya meso, ti nge lenda mona.*

*Munu, mu ke sungikaka mpe ke sembaka bayina
nionso mu ke zolaka: vwanda na kikesa, mpe balula
ntima.*

*Tala, mu me telama na kyelo, mpe ke na kukonkotaka:
kana muntu kuwa ndinga ya munu, mpe zibula kyelo,
mu ke kota na yandi, mpe ke kudya na yandi, mpe yandi
na munu.*

*Na yandi yina ke nunga mu ke pesa yandi muswa ya
kuvwanda na munu na kiti ya munu ya kimfumu, mpe
mutindu munu mpe nungaka, mpe mu me vwanda na
Tata ya munu na kiti ya yandi ya kimfumu.*

*Yandi yina kele na dikutu, ti yandi kuwa yina Mpeve
ke tuba na mabuundu.*

⁷⁹ Mfumu kusakumuna lutangu ya Ndinga yayi. Ntangu yayi mu zola baka, na mwa ntangu fioti, na mwa dilongi mosi, yina ba me bokila, *Bi elo Na Kati Ya Kielo. Bi elo Na Kati Ya Kielo.* Ntangu yayi yayi kele kieleka . . . *Bi elo Na Kati Ya Kielo*, ya kele bampova tatu. *Bi elo Na Kati Ya Kielo*.

⁸⁰ Beno lenda tuba na munu, “Mpangi, ya lenda vwanda na bantu bankama awa. Kuna, beno ke banza ve ti ya kele mutindu ya dilongi ya fyoti, ntangu beno kele na yawu na ntwala ya beno myoyo bankama?”

⁸¹ Mbote, yina, yina lenda vwanda kieleka, masonuku kele fioti. Kasi ya kele ve yinda ya dilongi, yina—yina kele na mfunu, ya kele yina yawu kele. Ya kele—ya kele yina masonuku ke tuba, yina kele na mfunu.

⁸² Mutindu, mu banza ti ya vwandaka na Louisville, na Kentucky, mwa ntangu fioti me luta, mwana-bakala mosi ya ntwenia vwandaka na zulu ya kibumbulu, kusakana na ba-malle ya ntama na kati ya kibumbula ya bambuma, mpe yandi kimaka mbangu kuna na timbre-poste ya ntama. Mbote, kima ya ntete na kati ya mabanza ya yandi, yandi lenda kuzwa galasi samu na yawu. Ya vwandaka na ndambu ya kusala kuna na bala-bala, na yawu yandi kwendaka na bala-bala, na mbangu nionso. Mpe yandi tubaka, “Yinki nge ke pesa munu samu na dikunzi yayi?”

⁸³ Collecteur talaka yawu na zulu, mpe ya vwandaka fyoti ya kubeba. Yandi tubaka, “Mu ke pesa nge dollar mosi.”

⁸⁴ Oh, yina vwandaka mpasi ve na kuteka. Yandi zolaka bika yawu kukwenda na ntwala samu na ba-dollar tanu, mpe na manima yandi vwandaka na kiese samu na yawu, samu na kuzwa galasi, kasi ba tekisaka yawu samu na dollar mosi. Collecteur tekisaka yawu bankama tanu ya ba-dollar. Mpe na manima, mu zaba kaka ve kisika ya kotaka, ya kotaka na bankama ya ba-dollar. Beno me mona, mwa kitini ya mukanda vwandaka mingi ve, kaka kitini yina beno zolaka sonika ve na ntoto. Kasi, ya vwandaka ve yina mukanda vwandaka, ya kele yina kele na mukanda, yina kele na mfunu.

⁸⁵ Mpe ya kele mutindu yina na kutanga Ndinga ya Nzambi. Ya kele kaka mukanda ve, mfunu ya papié, to kitini ya papié, ba me

sonika yawu na papié yina. Mpe ndinga mosi me lunga samu na kuvulusa yinza, kana ba yamba yawu mutindu yina.

⁸⁶ Mwa ntangu fioti me luta ya vwandaka . . . Mu tangaka disolo mosi ya bilumbu ya beto ya lukumu . . . Mosi ya ba—Président ya kulutila nene mu banza ti yinsi me—me vwandaka Lincoln. Ve samu ti yandi me katuka na Kentucky, kasi samu ti yandi vwandaka muntu ya nene. Ba pekisaka yandi ndongosolo, kasi dyaka vwandaka—vwandaka kima na kati ya ntima ya yandi, lukanu mosi.

⁸⁷ Mu—mu ke zolaka muntu ya vision. Mu ke zolaka bantu yina kele na kima ba ke na kunwanina, beno vwanda kaka ve ya kulala, “Mbote, ata nyonso yina ke salama ke vwanda mbote.” Oh, beno vwanda na zulu mpe na yawu! Mpe Lincoln bikaka ata fioti ve malongi ya yandi kutelama na nzila; yandi vwandaka na kima ya kusala. Mu banza ti Muklisto nyonso fwana vwanda mutindu yina, beno kuzwa lukanu ya beno mpe beno kwenda sala yawu.

⁸⁸ Konso mambele ya kapu yayi, ya vwanda kaka ve, “Mbote, beto ke na madia ya suka mbala mosi na ngonda,” ya kele yawu ve, “to mbala mosi na konso Kilumbu ya sambanu.” Beno vwanda na lukanu na luzingu, kima yina beno ke sala. Beto sala. Nzambi me tula beno awa; beno sala kima mosi samu na yawu, konso mambele ya dibuundi. Ya kele na reveal na kati ya mbanza. Reveil yina kele kuna samu na lukanu mosi. Beto basisa kima na yawu. Beto sala kima mosi samu na yawu.

⁸⁹ Tata Lincoln. Ya vwandaka na bakala mosi yina . . . ntwenia ya bakala, yandi—yandi vwandaka na mvita, mpe—mpe yandi vwandaka—yandi vwandaka koyi-koyi, na kubanda. Mpe na ntangu ya kisalu, yandi—yandi—yandi vwandaka ntama ya kisalu ya yandi; mpe ba monaka kima mosi samu na yandi, ti ba zolaka kufwa yandi na munduki. Mpe, oh, yandi . . . ya vwandaka mpasi. Mpe ntwenia mosi ya bakala zolaka yandi mingi, yandi kwendaka na Tata Lincoln, samu na kuzwa lemvo. Yandi vwandaka Président na ntangu yina, na Etats-Unis awa, mpe na yina yandi kwendaka na yandi samu na lemvo.

⁹⁰ Mpe yandi tubaka na yandi, mutindu yandi vwandaka basika na kati ya ditoma ya yandi; mpe Tata Lincoln, muntu ya yinda, ya mandefu, ya mutindu ya sude, na kati ya mpusu. Mpe yandi tubaka, “Tata Lincoln, ya ke na mwana-bakala mosi ke kufwa, na manima ya bilumbu zole, ba ke kufwa yandi na munduki, samu ti yandi kimaka na ntangu ya bitumba.” Mpe yandi tubaka, “Tata Lincoln, mwana-bakala yayi kele ve mwana-bakala ya yimbi. Kasi minduki yina nionso kele na kubula, mpe—mpe bantu vwanda kufwa, yandi vwandaka na kidi-kidi. Mpe yandi vwandaka ya kunyonga mingi, ti, yandi telemisaka maboko ya yandi na zulu mpe bandaka na kuboka.” Yandi kwendaka mbangu, yandi tubaka, “Mu me zaba mwana ya bakala yayi.”

Yandi tubaka, "Tata Lincoln, nkumbu ya nge kaka na kitini ya papié yayi lenda keba yandi. Nge zola sala yawu?"

⁹¹ Na yina, Muklisto yayi ya bakala, tulaka na nswalu nionso mukanda, "Ya kulemvuka, *Kingandi*." Yandi sonikaka nkumbu ya yandi, "Abraham Lincoln, Ntwadisi ya yinsi ya Etats-Unis."

⁹² Yandi vutulaka munati-nsangu na ngolo nionso. Mpe yandi kwendaka mbangu na cellule, yandi tubaka, "Nge me kuzwa kimpwanza! Nge me kuzwa kimpwanza! Ya kele Tata Lincoln, siniatile ya Tata Lincoln. Nge me kuzwa kimpwanza!"

⁹³ Yandi tubaka, "Samu na yinki nge ke zola kukwiza samu na kuseka munu, na kuzabaka ti mu ke kufwa mbasi?" Yandi tubaka, "Katula yawu awa, nge ke sekakaka munu." Mpe yandi lendaka yamba yawu ve. Yandi tubaka, "Ve, mu—mu zola yawu ve." Yandi tubaka, "Nge ke na kusalaka kaka . . ." Yandi tubaka, "Kana yina vwandaka Président," yandi tubaka, "ya zolaka vwanda na kazaka ya makesa, mpe ya zolaka vwanda na papié ya yandi ya mbote."

Yandi tubaka, "Kasi ya kele siniatile ya yandi na ntwala!"

⁹⁴ Yandi tubaka, "Wapi mutindu mu ke zaba siniatile ya yandi ya meso?" Yandi tubaka, "Nge ke sekakaka munu, nge ke meka na kusepelisa munu." Mpe yandi bandaka kaka na kuboka, yandi balukaka. Mwana-bakala yango bulaka munduki na suka yina landaka.

⁹⁵ Na yina na manima mwana ya bakala yina kufwaka, mpe nkumbu ya Mfumya yinsi na zulu ya kitini ya mukanda yayi, yina ba lemvokilaka yandi, kuna yinki? Mpe ba nataka yawu na yinzo ya lusambusu. Mpe awa vwandaka lukanu ya cour federale ya beto, yina kele kisika ya kutudila ntima na ba-tribunal ya beto nionso. Yina ba ke tubaka bantangu yankaka, beto ke zolaka ve lukanu ya bawu, kasi beto fwana zinga na yawu na mutindu nionso, beno me mona, samu yina kele kisika ya kukangama na yawu. Yina kele kisika ya kutudila ntima. Ntangu yayi, ya me tuba lukanu yayi, "Lemvo kele lemvo ve kana ba me yamba yawu ve mutindu lemvo."

⁹⁶ Mpe ya kele mutindu Ndinga ya Nzambi kele. Ya kele lemvo kana ba yamba Yawu mutindu lemvo. Mpe Yawu kele Ndinga ya Nzambi, Yawu kele ngolo ya Nzambi, na bayina ke kwikila Yawu mpe ke ndima Yawu.

⁹⁷ Ata ti, beno ke tala Yawu, mpe beno ke tuba, "Oh, yina ba me zangula na zulu, ya vwandaka na ba-million ya nsobolo, mpe nionso yina." Ya lendaka vwanda yawu na muntu mosi.

⁹⁸ Kasi, samu na munu, Yawu kele kaka Ndinga ya Nzambi, "Yesu Klisto mutindu mosi mazono, bubu yayi, mpe kukonda nsuka." Yandi kele ya kukangama na kubikana na nzila ya Ndinga yina.

⁹⁹ Ntangu yayi Yandi fwana kufundisa dibuundi, kilumbu mosi. Mpe kana Yandi tala yawu na nzila ya dibuundi ya Katolika, yina bawu ke tuba ti Yandi ke sala, na yina nani ya mabuundi ya Katolika Yandi ke fundisa yawu? Bawu kele ya kuswaswana mosi na yankaka. Kana Yandi tala yawu na ba-Methodiste, beno ba-Baptiste ya beno yimeni. Kana Yandi tala yawu na ba-Pentecotiste, bayankaka na kati ya beno ya beno yimeni.

¹⁰⁰ Kasi Yandi ke fundisa yawu ve na nzila ya dibuundi. Biblia ke tuba, “Yandi ke fundisa yinza na nzila ya Yesu Klisto, mpe Klisto kele Ndinga.” Na yawu beno me mona beto kele kükondwa esikize, Ya kele Ndinga ya Nzambi, ti Yandi ke fundisa beto; mpe ata mutindu fyoti, mpova mosi tubaka Yayi, tubaka Apocalypse 22:18.

¹⁰¹ Ntete, mu ke banda na Genèse. Nzambi pesaka bantu Ndinga ya Yandi, samu na kukindisa bawu mosi na lufwa, disumu, mpe kiadi, to mpasi. Muniololo, ya Bandinga ya Yandi. “Nge ke simba ve yinti yayi, samu, kilumbu yina nge ke kudia yawu, kilumbu yina nge ke kufwa.” Mpe muniololo kele kaka na kitini ya yawu ya pete-pete. Mpe miyo ya beto me bendama na difelo, na kukangaka muniololo yayi; kubuka mosi na kati ya yawu, yawu yina kaka beno fwana sala. Ève bukaka ve nsasa mosi ya bisono, yandi bukaka Mpova mosi, na nzila ya Satana. Yina vwandaka Buku ya ntete.

¹⁰² Na kati-kati ya Buku kwisaka Yesu, mpe tubaka, “Muntu ke zinga kaka na dimpa ve, kasi na Ndinga nionso.” Kitini ya yawu ve, kaka mosi awa mpe kuna, kasi, “Konso Ndinga yina me basika na yinwa ya Nzambi.”

¹⁰³ Ntangu Yandi kufwaka, vumbukaka, mpe kwendaka na Mazulu, mpe vutukaka mpe pesaka Jean...yina Yandi tubaka kuna na manima ya mvumbukulu ya Yandi. Yandi tubaka, “Yinki kana...” Yandi tubaka, “Yinki ke salama na muntu *yayi*?”

¹⁰⁴ Yesu tubaka, “Yinki ya kele samu na beno kana yandi landila tii mu ke kwiza?” Na kuzabaka ve kieleka ti luzingu ya yandi ke vwanda, kasi ministere ya yandi ke landila. Mpe Yandi zangulaka yandi, na kapu ya 4 ya Apocalypse, mpe me lakisa yandi bima nyonso yina zolaka kwiza, ti beto ke zinga na kati, mpe na masonuku yayi bubu yayi.

¹⁰⁵ Mpe kuna na kapu ya 2, na kapu ya nsuka, na nzila ya 18, Yandi tubaka, “Muntu nyonso yina ke katula Ndinga mosi ya Buku yayi, to ke bwela ndinga mosi na Yawu, ba ke katula kitini ya yandi na Buku ya Luzingu.” Beno me mona? Na yawu beto ke kwikila ti muntu ke zingaka na nzila ya Ndinga nyonso ya Nzambi. Mu ke kwikila yawu mpe mu zaba ti ya kele kieleka. Mutindu fyoti, ya ke sala dyambu ve. Ya ke lomba kaka mpova mosi, samu na kusala yawu.

¹⁰⁶ Na kubanzaka wapi mutindu mu kele fioti mpe mpamba, na kumona bankundi ya munu mingi ya Canada yina kele ya kuvwanda awa. Mu ke bambuka moyo ti mu vwandaka na Canada ntangu Ntinu George... Mosi yina mu kuzwaka bweso ya kusambidila, ntangu yandi belukaka, na bivimbu yina ya mutindu na mutindu; yandi vwandaka na mpasi kilumbu yina, na muntu ya masawula, mpe yandi vwandaka diaka na mpasi ya estomac, mputa na kifundu; mutindu mingi na kati ya beno ba-Canadien kuzaba, mpe ba-Américain, diaka. Kasi na kumonaka yandi kuluta kuna, ya kuvwanda na kati ya nkonga yina, yandi—yandi vwandaka ntinu. Yandi kukitwadisaka yandi mosi mutindu ntinu. Ntinu ya yandi ya kento ya kitoko yina kele ya kuvwanda pene-pene ya yandi, na robe ya yandi ya bleu, mpe na yina yandi kulumukaka babala-bala.

¹⁰⁷ Mpe nkundi ya munu, mpe munu, kele ya kuvwanda kintwadi. Mpe ntangu tomabilu yina lutaka, yandi balukaka kaka yintu ya yandi mpe bandaka na kudila. Mu tulaka diboko ya munu na zulu ya dipeka ya yandi, mpe mu tubaka, "Wapi dyambu?"

¹⁰⁸ Yandi tubaka, "Mpangi Branham, tala ntinu ya munu mpe ntinu ya yandi ya kento." Mbote, mu—mu ke sepela na yawu.

¹⁰⁹ Na yawu mu banzaka, "Kana Canada, na yisi ya yintu ya luyalu, ve na yintu ya luyalu, kasi dyaka yintu ya luyalu, ya Angleterre, mpe ke lutila na nzila ya ntinu, ya lendaka sala kuboka ya Canada, mpe kubalula yintu ya yandi mpe kudila, yinki ya ke vwanda ntangu beto ke mona Ntinu ya beto?" Mpe na kubanza na yawu, ndambu ya beto ke vwanda Ntinu ya kento.

¹¹⁰ Na yina ba basisaka bana na balukolo, bana ya fyoti, ba pesaka bawu mwa, dalapo ya ba-Britanique. Dalapo ya Canada me bokilama kima yankaka. Mpangi Fred, yinki kele dalapo ya Canada yina ba ke bokila? [Mpangi Fred Sothmann me tuba, "Kimvuka ya Jack."—Mu.] Kimvuka ya Jack. Kasi ba pesaka bawu mwa, dalapo ya ba-Britanique, samu na kuningisa. Mpe ntangu ntinu lutilaka kuna, bana nionso ya fioti telemaka kuna, ba vwandaka ningisa mwa dalapo ya bawu—ya bawu, mpe ba vwandaka boka na ntinu. Mpe—mpe ya vwandaka na bankonga vwandaka bula, *Nzambi Vulusa Ntinu*, na yina yandi vwandaka tambula na bala-bala.

¹¹¹ Oh, kana beno lenda kaka kuzwa... Beno ke tala na yinki ya ke vwanda na mvumbukulu yango kuna!

¹¹² Mpe ntangu ba longusaka bawu, bantwenia, na kuvutuka na lukolo kaka ntangu palade manaka. Mpe, bana ya fyoti vwandaka vutuka, lukolo mosi kondwaka mwana mosi ya kento. Mpe bawu kwendaka bisika nyonso, samu na kutala mwa muntu yango, na babala-bala. Mpe, na nsuka, na manima ya poteau télégraphique, telemaka mwana-kento ya ntwenia, ya

fioti mingi, ya fioti kulutila, ya nkufi, yina vwandaka dila mwa ntima ya yandi ya fioti.

¹¹³ Mbote, mulongisi bakaka yandi mpe . . . [Kisika ya mpamba na bande—Mu.] “Wapi dyambu? Nge me mona ve ntinu?”

Yandi tubaka, “Yinga, mu monaka ntinu.”

Yandi tubaka, “Nge telemisaka ve dalapo ya nge?”

Yandi tubaka, “Yinga, mu—mu ningisaka dalapo ya munu.”

Yandi tubaka, “Mbote, na yina, samu na yinki nge ke na kudila?”

¹¹⁴ Yandi tubaka, “Nge me mona, mulongisi, mu kele fyozi mingi, bayankaka vwandaka ya kutelama na ntwala ya munu, bawu vwandaka nene mingi. Mpe mu ningisaka dalapo ya munu, kasi yandi monaka yawu ve.” Mpe yandi vwalanganaka samu na yawu. Mbote, ya lendaka vwanda Ntinu George kumonaka ve mwa mutunu yango, na ntela. Yandi zolaka mona ve ntima ya yandi samu na yinsi, mpe wapi mutindu yandi kuwaka na ntwala ya yandi. Yandi vwandaka me luta mingi.

¹¹⁵ Kasi ya kele ve mutindu yina na Ntinu ya beto! Oh, mwa kima ya fioti beto ke salaka, Yandi ke mona yawu. Mpe Yandi zaba bima ya kieleka mpe mabanza yina kele na kati ya bantima ya beto, nionso yina beto ke sala, nionso yina yawu kele. Mpe wapi mutindu beto ke sadila Yandi? Mutindu beto ke sadila mosi na yankaka. Kana mu zola beno ve, wapi mutindu mu lenda zola Yandi? Beno me mona? “Bambala nyonso yina beno me sala na bana ya Munu yayi, beno me sala yawu na Munu.” Beno me mona?

¹¹⁶ Ya kele—ya kele mwa bima yina beto ke bikaka kukondwa kusala, ntangu yankaka, yina ke buka muniololo nionso, beno me mona, mpe bika beto kwenda na kimpwanza, kaka na mabanza ya denomination, mpe beno zimbana mwa bima yayi yina kele kieleka bima ya mfunu. Bima nionso, Ndinda nionso ya Nzambi, kele mfunu. Ata mosi ve na kati ya Yawu lenda basika. Beto fwana baka konso Ndinda ya Yawu, kaka mutindu ba sonikaka Yawu.

¹¹⁷ “Mu me telama na kyelo,” Yesu tubaka, na Nsungi yayi ya Laodicée, “mpe ke konkota.” Beno me tala, nsungi kaka ya dibuundu yina ba tulaka Yandi na ngaanda ya dibuundu ya Yandi? Bansungi nyonso yankaka ya dibuundu, Yandi vwandaka na kati ya dibuundu. Na nzila ya ba-Methodiste, mpe ba-Luthérien, mpe nionso yina, Yandi vwandaka na kati, dibuundu. Kasi awa Yandi kele na ngaanda, ba-credo ya beto mpe nyonso me basisa Yandi na dibuundu. Kasi Yandi kele ya kutelama na ngaanda kuna, ke na kukonkotaka dyaka, “Yandi yina ke kuwa mpe ke zibula kyelo, Mu ke kota na yandi, ke dya na bawu, mpe kupesa yandi kubeluka samu na meso ya yandi, mpe—mpe bilele,

mpe kupesa yandi bimvwama ya Mazulu; yandi yina ke kuwa Munu kükönkota.”

¹¹⁸ Mu banzaka ti mu lendaka banza na nkumbu ya artiste yina fikulaka foto yina, yemaka foto mosi, mu zola tuba, na kielo. Ntangu yandi... Beno zaba, bafoto nyonso ya nene ya ntete fwana kuluta na nzila, to, kivinga ya masawula, na ntwala ba lendaka namika yawu na kati ya Tempelo ya Lukumu. Mukubu yina ya ntete ke vwanda ntangu yayi ba-million ya ba-dollars.

¹¹⁹ Kasi, beno me mona, ya kele mutindu Dibuundu, fwana luta na kivinga ya masawula. Beto ke luta. Ba ke bokila beno “exalté,” ba ke bokila beno nyonso. Kasi kana beno lendaka kaka kusimba kisika ya beno na kati ya Klisto, na yina kilumbu mosi Yandi ke nata beto na Tempelo ya Lukumu. Kasi ntete beto fwana kutelama na kutonga. Ya kele kisika beto kele fyoti, ya kele kisika ya ke lakisa. “Yandi yina lenda ve kundima ndongisila kele mwana ya makangu, mpe mwana ya Nzambi ve.” Ata mutindu yandi me kuma ya dibuundu, mpe nyonso yina yandi me sala, yandi kele dyaka, kana yandi lenda ve kundima ndongisila, yandi kele mwana ya makangu, mpe yandi kele ve mwana ya kieleka ya Nzambi. Kasi mwana ya kieleka, ya ntete ya Nzambi ke kipe ve yina yinza ke tuba, bima nionso yankaka kele na kisika ya zole. Yandi ke na mabanza ya yandi na Klisto, mpe yina ke sukisa diambu. Yinga. Nionso yina Klisto ke tuba na kusala, yandi ke sala yawu. Kisika nionso Mwana-dimeme ke kwenda, bawu kele na Yandi, bisika nionso. Mpe na yina beno ke mona kumonika ya Yandi, Mvwandulu ya Yandi, mpe yina Yandi ke sala. Yandi kele ntangu nyonso na bantu ya Yandi, Kento ya Yandi ya makwela. Yandi ke na kulembikaka yandi. Kilumbu mosi ya ke vwanda na Kudya ya Makwela.

¹²⁰ Mpe artiste yayi, kuna, ntangu ya lutaka na bantu ya masawula, nkonga ya bantu ya masawula vukanaka pene-pene ya artiste yayi. Mu lenda banza ve na nkumbu ya yandi. Mu ke na kumeka na kubanza na Michel-Ange, kasi yandi vwandaka kisadi-bitiki ya bandimi ya Moise. Kasi mu lenda banza ve na nkumbu ya yandi. Kasi, kuna, yandi tubaka, “Foto ya nge kele ya kuswaswana,” yandi tubaka, “Mu kele na kima ve yina mu lenda tuba na ntwala ya foto.” Yandi tubaka, “Samu ti, Yandi ke na kusimbaka mwinda na diboko ya Yandi, ya ke lakisa ti Yandi ke kwiza, mpe, na mpimpa ya kulutila.” Yandi tubaka, “Na yina Yandi kele na kielo, na yintu ya Yandi, dikutu ya Yandi, na yina Yandi ke vwanda ve... ya kieleka yandi ke kondwa lubokilu ya yandi ya kulemba. Yandi kele na dikutu ya Yandi ya kubaluka na kyelo, mpe Yandi ke na kukonkota na kyelo.” Yandi tubaka, “Kasi, nge zaba, tata, ya kele na kima mosi yina nge me zimbana na foto ya nge.”

¹²¹ Mpe artiste, bakaka yandi luzingu ya muvimba samu na kuyema yawu, yandi tubaka, “Yinki yina mu me zimbana, tata?”

¹²² Yandi tubaka, “Ata bambala yina Yandi me bula, beno me mona, beno me zimbana na kutula yawu na latre. Ya kele ve na nsuka na kyelo.” Kana beno tala kyelo, ya kele ve na nsuka na zulu ya yawu.

¹²³ “Oh,” mu tubaka artiste, “Mu fikulaka yawu mutindu yina. Beno me mona, tata,” yandi tubaka, “loké kele na kati. Nge kele yandi yina zibulaka kielo. Nge ke zibula kielo.”

¹²⁴ Oh, samu na yinki muntu ke konkota na kyelo ya muntu? Yandi ke na kumeka na nkotolo. Yandi ke na kumeka na kukota. Ya lendaka vwanda ti yandi kele na kima yina yandi zola kutuba na beno to kuzonza na zulu ya beno. Yandi kele na nsangu samu na beno. Mpe ya kele samu na yina bantu ke na kukonkotaka na kielo mosi na yankaka. Bawu kele na kikuma mosi ya kusala yawu. Ya lenda vwanda ve yina ke salama kukondwa kikuma mosi. Beno lenda kwenda ve na yinzo ya muntu kana ya kele na kikuma ya kukwenda; kana kima yankaka ve, samu na kutala, beno nata yandi nsangu, to kima mosi. Ya kele na kikuma mosi samu na muntu na kukwenda konkota na kyelo ya muntu yankaka.

¹²⁵ Kisika nyonso ya kele na kyuvu, ya fwana vwanda na mvutu. Ya lenda vwanda ve na kyuvu kukondwa mvutu. Na yawu ya kele samu na yina beto ke talaka na Biblia, bakyuvu yayi ya kilumbu, Biblia kele na mvutu. Mpe Klisto kele Mvutu yango.

¹²⁶ Ntangu yayi, bantu mingi ya kulutila mfunu konkotaka na bielo, na ntangu ya luzingu, mpe mingi konkotaka na bantangu me luta; mpe ya vwandaka kieleka, bantangu ya kulandila, ya ke vwanda na mingi kulutila, bantu ya mfunu.

¹²⁷ Ntangu yayi, kima ya ntete, mu banza, kana muntu kubula na kielo ya yandi, kana beno lenda, beno ke baluka mpe ke benda rido, beno tala nani kele kuna.

¹²⁸ Kana beno kele na bisalu mingi, mutindu beto ke tubaka ti beto kele bubu yayi, “Mu ke na kisalu mingi ya kukwenda na yinzo-Nzambi; kisalu mingi na kusala *yayi*. Mpe, beno zaba, dibuundu ya munu ke kwikilaka ve na bima ya mutindu yina.” Mpe, beno me mona, beto kele kaka mwa fioti na lweka, bantangu yankaka, na Ndinda.

¹²⁹ Kasi beno ke benda rido, na yina beno zola kumona nani kele ya kutelama kuna. Mpe kana ya kele muntu ya mfunu, na nswalu beno me kima mbangu na kielo.

¹³⁰ Ntangu yayi beto vutuka kaka mwa fyoti, mpe beto baka mwa bantu yina konkotaka. Beto vutuka mpe beto banza na Pharaon na Egypte, bankama mingi ya bamvula me luta. Yinki kana—kana Pharaon, ntinu ya Egypte, kulumukaka na yinzo ya bisadi bilanga? Mpe muntu yayi vwandaka mutindu ya kukondwa kuwisana na Pharaon, mpe yandi kwikilaka ve mutindu ya yandi ya kati, mpe yandi vwandaka ya kuswaswana na yandi. Mpe—mpe, kasi awa me telama Pharaon, mu vwandaka

ya kutelama na kielo ya yinzo ya bansaka ya babiliki to muntu mosi ya bisalu ya poto-poto, mutindu beto vwandaka bokila yawu, kuna na Egypte. Mpe yandi ke benda rido ya yandi na manima, mpe kuna me telama Pharaon ya ngolo na kyelo. Mpe yandi ke na kukonkota; ke na kuseka na kizizi ya yandi. [Mpangi Branham me konkota na kima—Mu.] Na yina, muntu yina ke zibula kielo, mpe ke tuba, “Kota, Pharaon ya nene, bika ti kisadi ya nge ya kukikulumusa kuzwa lemvo na meso ya nge. Kana ya kele na kima na kati ya bibaka ya munu, mu kele mutindu mpika ya beno, Pharaon. Beno me zitisa munu na zulu ya bampangi ya munu. Beno me kwizaka na yinzo ya munu, ntangu mu kele muntu ya mawa. Beno ke kwenda kaka kutala bantinu mpe—mpe bantu ya mbongo ve, mpe bantu ya kulutila mfunu. Mpe mu kele na passepport. Kasi beno—beno kwisa tala munu, beno me zitisa munu, Pharaon. Yinki yina kisadi ya nge ya kukikulumusa lendaka sala?” Ata nyonso yina Pharaon ke lomba, mpe na luzingu ya yandi, yandi ke pesa yawu. Kieleka. Ya kele lukumu.

¹³¹ To, beto tuba mutindu, Adolf Hitler ya ntama, ntangu yandi vwandaka Ntwadisi ya Allemagne. Yinki ke salama kana yandi kwendaka na yinzo ya soda? Mpe nkonga yina ya basoda ya bantwenia ya Nazi bawu nionso ziungaka kuna, mpe, kima ya ntete beno zaba, mbote, muntu mosi kukonkotaka na kielo. Mpe mwa soda yina tubaka, “Ah, mu ke na kuwa yimbi na suka yayi! Kento ya munu, tuba na bawu na kukwenda.”

¹³² Mpe yandi me syelumuka na kielo, mpe me benda rido. Yandi me tuba, “Bakala! Bakala, dumuka, na nswalu!”

“Wapi dyambu? Nani kele ya kutelama kuna?”

“Hitler, muntu ya Allemagne!” Oh, la la!

¹³³ Mwa soda yina telemaka, yandi lwataka bilele ya yandi, na nswalu nionso, mpe yandi telemaka na bukebi. Yandi kwendaka kuna na kielo, yandi zibulaka kielo, mpe zibulaka kielo, mpe yandi tubaka, “Mbote Hitler!” Beno me mona, yandi vwandaka muntu ya nene, na bilumbu ya yandi na Allemagne. “Yinki mu lenda sala?”

¹³⁴ Kana yandi tubaka, “Kwenda lemuka na zulu kuna,” yandi ke sala yawu. Samu na yinki? Ya kele diaka ve, ya kele ve na muntu ya kulutila mfunu na Allemagne, na bilumbu ya ba-Nazis, kulutila Adolf Hitler vwandaka. Yandi vwandaka muntu ya nene. Mpe yandi... Mpe, wapi mutindu ya lukumu, ntangu yandi ke talaka kaka ba-general mpe bantu ya nene, kasi awa yandi kele na kyelo ya ba-dikulu! Oh, ya kieleka ya zolaka vwanda lukumu ya nene samu na yandi.

¹³⁵ Mbote, ntangu yayi, yinki ya Flagstaff? Beto ke nata yawu pene-pene ya yinzo. Yinki ke salama kana na manima ya midi yayi, ti-ti Mfumu ya beto ya yinsi, Tata Johnson, L. B. Johnson, yinki ke salama kana yandi katuka na mpepo, kisika mosi awa? Mpe ntangu yayi beto nionso kele kaka na mutindu mosi ya

bantu. Beto nionso kele bamputu. Mbala yankaka muntu mosi kele na mwa kisalu ya kulutila mbote, mbala yankaka mwa yinzo ya kulutila mbote, kasi, na manima ya nionso, beto kele kaka bantu. Kasi yinki ke salama kana yandi kwisa na yinzo ya beno awa, mbala yankaka ya kukikulumusa kulutila beto, mpe yandi konkota na kielo; mpe beno kwenda na kielo, mpe kuna kele ya kutelema Ntwadisi ya yinsi L. B. Johnson? Na yina, ya ke vwanda lukumu ya nene. Beno lendaka vwanda ya kuswaswana na yandi, na politiki. Kasi beno ke vwanda muntu ya lukumu, samu na kuvwanda na Ntwadisi ya yinsi ya Etats-Unis yina ke telama na kielo ya beno. Nani nge kele to nani mu kele? Mpe kuna me telama Lyndon Johnson na kyelo ya nge! Ata ti beno lendaka vwanda Socialiste to Républicain, to muntu ya kuswaswana na yandi mafuku ya bakilometele, kasi dyaka ya ke vwanda lukumu.

¹³⁶ Beno zaba yinki? Samu ti beno kuzwaka lukumu yayi, mbote, television ke losa yawu na kitala-tala na nkokila yayi. Kieleka. Bansangu ya midi mbasi ke vwanda na bisono ya nene na kati ya yawu, na kati ya zulunale ya Flagstaff awa, ti, “*John Doe*. Ntwadisi ya yinsi ya Etats-Unis pumbukaka na Flagstaff mazono, ba bokilaka ve, mpe kwendaka kaka, kukondwa kubokila, mpe konkotaka” na kyelo ya beno. Ya kukikulumusa! Ntwadisi ya yinsi yina ke vwanda na nkumbu ya muntu ya kukikulumusa, mutindu yandi kele, samu na kukwisa na munu to na kielo ya beno; beto kele muntu ve, na yina kulumukaka mpe solulaka na beto.

¹³⁷ Na yina, beno ke tambula na bala-bala, mpe beno ke tuba, “Yinga, mu kele muntu yango. Mfumu ya yinsi me kwiza tala munu.”

¹³⁸ “Beno vwanda swi, beno bika mu baka lukanu ya beno—ya beno. Beno tala munu na mbala mosi. Ntangu yayi wapi mutindu beno ke tala ntangu beno ke kwenda?” Beno ke vwanda muntu ya mfunu mingi. Ya kieleka.

¹³⁹ Yinki kana ntinu ya kento ya Angleterre ke kwiza, ata ti beno kele ve na yisi ya lutumu ya yandi? Kasi ya ke vwanda lukumu samu na bayankaka na kati ya beno bakento na kusala bansaka na ntinu-kento ya Angleterre, ata ti beno kele ve na nsi ya kimfumu ya yandi. Kasi, yandi kele muntu ya nene, yandi kele ntinu-kento ya kulutila nene na yinza, na ntangu yayi. Ya kieleka, yandi kele, yandi ke na kutuba ya politiki. Kasi kana yandi me lomba nge mwa kitini ya galasi na kibaka ya nge, ti nge ke tula yawu na zulu mingi, nge ke pesa yawu na yandi. Ya ke vwanda lukumu samu na beno na kusala yawu. Ya kieleka, yandi kele ntinu-kento ya Angleterre.

¹⁴⁰ Mpe ba ke pesa beno lukumu, na nzila ya Président. Mpe muntu nyonso zolaka zonza na yina me tala kulemvuka ya ntinu ya kento ya Angleterre, na kupumbukaka kuna samu na kutala

kento mosi na Flagstaff, mwa muntu mosi ya mpamba. Mpe bazulunale ke kanga yawu, mpe bansangu ke samuna yawu.

¹⁴¹ Kasi, beno zaba, Muntu ya kulutila mfunu na ntangu nionso, Yesu Klisto, ke konkota na kielo ya beto. Mpe ba me manga Yandi, kulutila bantinu nionso mpe bantu ya lukumu kuna vwandaka ntete ve. Ya kieleka. Mpe beno lenda ndima Yandi mpe kubasika mpe kutuba kima na zulu ya yawu, yinza ya ngaanda ke seka na kizizi ya beno. Ata bazulunale ke . . .

¹⁴² Nani lenda kwiza na yinzo ya beno, ya kulutila nene na Yesu Klisto? Nani lenda konkota na kyelo ya beno, ya kulutila nene na Yesu Klisto? Nani lenda sala yawu? Mwana ya Nzambi, yina lenda konkota na yinzo ya beno, nani ke vwanda mfunu mingi? Mpe dyaka Yandi me konkota, kilumbu na manima ya kilumbu. Mpe kana beno ndima Yandi, ba ke bokila beno fanatici. Na yawu, beno tala mutindu yinza zaba ya yandi mosi? Ya kieleka. Kasi ntangu yayi Yandi zolaka kwiza ve kana ti Yandi kuzwa kikuma ya kukwiza.

¹⁴³ Mpe beno ke banza na kukikulumusa ya Mfumu ya yinsi Johnson, to ntinu ya kento ya Angleterre, to muntu nyonso ya nene, wapi mutindu ya ke talisama, na kukikulumusa ya muntu yina ya nene ya mfunu samu na kukonkota na kielo ya beno!

¹⁴⁴ Wapi mutindu samu na kukikulumusa ya Mwana ya Nzambi? Nani beto kele kasi bansumuki, ya mvindu, “yina me butuka na disumu, yina ba me yidika na disumu ya nkú, me kwisa na yinza na kutubaka baluvunu?” Mpe kuna Mwana ya Nzambi ke kwiza mpe ke konkota na kyelo ya beto.

¹⁴⁵ Ntangu yayi, ntinu ya kento ya Angleterre lendaka lomba beno lemvo. Yandi lendaka katula kima mosi na beno. Na yina Ntwadisi ya yinsi, yandi lendaka lomba beno na kusala bima yina beno me zola ve kusala. Yandi lendaka lomba na beno samu na bimvwama yina beno me zola ve kubika, mpe yina ke zola kutuba kima ve, kaka samu na yandi.

¹⁴⁶ Kasi Yesu ke na kunataka kima na beno ntangu Yandi ke konkota. Yandi ke na kunataka lemvo. Beno manga yawu ve. Samu ti, mutindu ba mekaka yawu na mantwala ya beto awa, mutindu mosi ya ke vwanda na Kimfumu ya Mazulu. Kana Yandi me konkota mpe me nata lemvo, mpe beno me manga yawu, mpe beno kufwa na masumu ya beno, beno ke kufwa; ata ti beno vwandaka na lukumu ya kuvwanda na lukutakanu ya mutindu yayi, ata ti beno vwandaka na lukumu ya nene na lukutakanu ya reveil, to dibuundi ya beno, mpe kuwaka pasteur ya beno kulonga nsangu ya Nsangu ya mbote. Mpe beno vwandaka na nkonga ya bantu, beno tuba, “Yinga, mu vwandaka kuna.” Ya lendaka vwanda, beno, mpasi na kutuba yina beno nionso lendaka tuba. “Mu kuwaka bimbangi. Mu sepelaka na yawu. Mu kuwaka bimbangi. Ya vwandaka kieleka.” Kasi beno mangaka Yawu.

¹⁴⁷ Yinki kana mu vwandaka ntwenya ya bakala mpe ti mu tala ntwenya ya mama; yandi vwandaka kitoko, yandi vwandaka Muklisto? Yandi zolaka sala . . . Yandi vwandaka ya kulunga na ki- . . . [Kisika ya mpamba na bande—Mu.] Beno lenda ve kutala foti na Yawu, kasi beno fwana tula na lweka binkulu ya muntu. Beno ke tuba, “Oh, mu ke kwikila ti Ya kele kieleka. Mu me mona, mu me vwanda . . .” Kasi beno fwana kundima Yawu. Beno . . . Na yina kento yina me kuma kitini ya munu. Na yina beno me kuma kitini ya Ndinga, yina kele Kento ya makwela. Kana Yandi kele Ndinga, Kento ya makwela ke vwanda Ndinga ya Kento ya makwela. Beno me mona, ya kieleka ya ke vwanda! Beno me mona, beno fwana kundima Yawu. Beno ke . . . Beno lenda tuba yina beno zola, beno lenda tuba na Ntwadisi ya yinsi; kasi ntangu nionso ntangu ba ke kanga Yesu na kielo ya beto, beto ke manga kaka Yandi. Beno me mona, beto zola ve kima ya kusala na Yandi. Beto ke tuba, “Mbote, kilumbu mosi yankaka.”

¹⁴⁸ Yinki ke salama kana beno konkota na kielo ya muntu mosi? Ntangu yayi beto baka foto na mwa ntangu fioti. Yinki kana beno kwenda mpe beno konkota na kielo ya muntu mosi, mpe beno vwandaka na kima samu na bawu? Mpe, na manima ya nyonso, bawu vwandaka na beno pene mutindu beno zolaka vwanda na Nzambi; mbote, kana beno sala yawu, mbote, mbote mingi, kasi beno kele ve na bansinga ya kukangama. Na yawu ntangu beno me konkota na kielo ya muntu mosi, mpe bawu me basika na nela, mpe me kanga rido; to ke kwiza na kielo, mpe ke tuba, “Na ntangu yankaka!”

“Mbote, mu ke zola . . .”

¹⁴⁹ “Mu kele na ntangu ve na suka yayi!” Beno zaba yina beno ke sala? Kukondwa ntembe kima mosi mu ke sala, mpe bayankaka ya bawu, beno ke vutuka dyaka ve.

¹⁵⁰ Kasi Yesu ve. “Mu me telama, mpe ke na kukonkota,” ntangu nyonso ke na kukonkota. [Mpangi Branham me landila na kukonkota na mutindu nyonso—Mu.] Beno me mona? “Yandi yina ke sosa,” ke sosa ve. “Ke sosa! Yandi yina ke konkota!” Ke konkota, kukonkota ke na kulandila, ke konkota! Beno me mona, “Yandi yina ke sosa, yandi yina ke sosa, yandi ke . . .” Ve kaka . . .

¹⁵¹ Mutindu kingana ya zuzi ya nku. Kento yina kwendaka mpe zolaka kuzwa mvutu, kubaka mvutu, kasi yandi lendaka ve kuzwa yawu. Yandi . . . Ntangu nionso yandi vwandaka konkotila mpe vwandaka dodekila. Mpe kento tubaka . . . “Kaka samu na kuyambula yandi, mu ke pesa yandi kitumbu samu na mbeni ya yandi.”

¹⁵² Wapi mutindu ya kulutila ke vwanda Tata ya Mazulu? Beno me mona, ya fwana vwanda beto ke na kukonkotaka na mwelo ya Yandi. Ya zolaka vwanda Adam yina vwandaka kima mbangu mpe na yisi ya disamba, vwandaka boka, “Tata!

Tata, wapi kisika Nge kele?" Kasi na kisika ya yina, na kisika ya yina, ya vwandaka Nzambi yina vwandaka mata mpe kulumukaka na disamba, "Mwana! Mwana, wapi kisika nge kele?" Beno me mona, yawu ke talisa kaka yina beto kele. Beto ke na kubumbama ntangu nionso, na kisika ya kubasika mpe kufunguna yawu. Beto ke meka na kutina, beto ke bumbama na manima ya kima mosi. Yina ke kaka nkadulu ya muntu, beto ke na yawu mutindu yina. Yinga, tata.

¹⁵³ Nge ke pesa bantu yayi ya kulutila mbote yina nge vwandaka na yawu, nionso. Kasi beno lenda ve, beno—beno—beno ke ndima Yesu ve. Mu ke tuba na beno ve, kasi mu zola tuba bantu awa.

¹⁵⁴ To mu banza ti beno lenda tuba yayi, beno lenda tuba, "Mulungi, mu salaka kaka yina. Mu—mu me fungula kaka ntima ya munu mpe me bika Yesu kukota. Mu salaka yawu bamvula kumi me luta. Mu salaka yawu bamvula makumi zole me luta." Mbote, ya lendaka vwanda kaka kieleka, kasi ya kele nyonso yina beno salaka? Beno me mona?

¹⁵⁵ Mu zola kuyufula nge ntangu yayi. Kana beno ke bokila muntu nyonso na yinzo ya beno, mpe kuna ntangu beno ke kota na kati ya kyelo... Muntu mosi bokilaka nge, na kisika, yandi tuba, "Kota."

¹⁵⁶ "Yinga, mu ke na lukanu mosi, mu ke basika na mbanza mpe mu ke baka lukumu, beno me mona." Ya kele mutindu bantu mingi ke ndimaka Klisto. "Mu ke... Mu—mu kele ya dibuundu. Mu kele ya dibuundu ya nene *Kingandi* awa, kisika Docteur ya Philosophie kele, beno zaba. Mpe ya kele dibuundu ya kulutila nene. Mfumu ya mbanza ke kwendaka kuna, mpe nyonso, beno zaba. Mu—mu kele ya dibuundu yina." Ba bikaka Yandi, kaka mutindu yina. "Yinga, mu ke ndima Yandi," beno me mona, samu na ndandu ya munu mosi.

¹⁵⁷ Kasi na yina yinki ntangu Yesu ke kwisa na kati ya ntima? Bantu mingi ke ndima Yandi samu bawu ke zolaka ve kukwenda na difelo. Kasi ntangu Yesu ke kwisa na kati ya ntima ya beno, Yandi zola vwanda Mfumu. Mvulusi ve; kasi Mfumu, mpe. *Mfumu* kele "kuyala." Yandi ke kwiza na—na kuyala.

Ntangu yayi beno ke tuba, "Ya kele kieleka, Mpangi Branham?" Kieleka.

¹⁵⁸ Yinki kana—kana mu bokilaka beno na yinzo ya munu, mpe beno kota na kyelo? Mpe nge konkota na kielo, mpe mu tala na ngaanda, mu tuba, "Yinga, kota. Kana nge lenda sadisa munu, mbote, nge ke sala mutindu yina. Kasi ntangu yayi, ntangu beno ke kota ntangu yayi, mu zola ve ti beno fyongonina na yinzo ya munu. Beno ke telama kaka kuna na kielo!"

¹⁵⁹ Beno bambuka moyo, dilongi ya beto kele "bielo" na kati ya kielo. Ntangu yayi, na kati ya ntima ya muntu ya kele na mwa bielo mingi, mpe mwa bielo yina ke fika bima mingi. Beno

bika kaka Yandi kukota, ya kele yawu nyonso ve, ntangu Yandi ke kota.

¹⁶⁰ Ntangu mu ke kota na yinzo ya beno, kana beno zola kuyamba munu na kyelo, mbote, kana beno tuba, “Kota, Mpangi Branham. Mu ke na kiese mingi na kumona nge!”

¹⁶¹ Mu ke tuba, “Mbote, ya kele bweso na munu na kukwiza na yinzo ya nge!”

¹⁶² “Oh, nge lenda kwisa kuna ve mpe kuvwanda? Mpangi Branham, tala yinzo ya beto, kuwa mbote na yinzo!” Oh, la la!

¹⁶³ Mu ke kwenda na réfrigérateur, samu na kuzwa munu mosi ba-sandwiche ya nene yina, mutindu *yina*, katula basapatu ya munu, mpe kwenda na mbeto mpe kwenda lala. Mpe mu ke vwanda kaka na jubilé ya kieleka ya kifundu, beno me mona. Samu na yinki? Samu mu me kuwa ti ba me yamba munu mbote. Beno me yamba munu mbote. Na yina mu ke sepela na yawu kana beno me yamba munu mbote.

¹⁶⁴ Kasi kana mu kwenda na yinzo ya nge, mpe nge tuba na munu, “Telama kuna na kielo, ntangu yayi, kukipe ve diambu mosi!” Mu ke kuwa ve ti ba me yamba beno mbote. Mutindu yina ve? Ve, beno me mona, beno ke kuwa ve ti ba me yamba beno mbote. Muntu mosi bokilaka nge, mpe yandi tubaka, “Ntangu yayi vingila! Yinga, kota, kasi telema kuna!”

¹⁶⁵ Ntangu yayi, ya kele na mwa kielo ntangu beno ke kota na kati ya ntima ya muntu. Beto ke tubila kaka zole to tatu ya bawu, beno me mona. Beto kele ve na ntangu ya kuluta na bielo yayi nionso, samu ya kele na mingi ya yawu. Beno me mona? Kasi, beno tuba, na baminuti kumi yina ke landa, beto zonzila na mwa zole to tatu, myelo tatu.

¹⁶⁶ Ntangu yayi, na lweka ya diboko ya kibakala ya ntima ya muntu, ntangu beno ke kota na kielo, ya kele na mwa kielo mosi na lweka ya kibakala, mpe yina ba me bokila, na kati kuna, na kielo ya lulendo. Oh, la la! “Beno kota ve na kyelo yina!” Ba zola ve Mfumu na kati kuna, na kyelo yina, ya kele na lunangu. “Mu kele menga ya bleu. Mu ke kipe! Oh, yinga, ntangu yayi beno tala, mu ke tuba na beno, mu—mu . . .” Beno me mona, ya kele lunangu. “Beno sakana ve na kati kuna!” Ntangu yayi, Yandi lenda vwanda ve ya kuyamba ntangu nyonso yina beno ke kanga kielo yango ya kukangama.

¹⁶⁷ Yandi fwana sukula beno. Beno me mona, ya kele samu na yina Yandi ke kwiza. “Nge zola kutuba na munu ti mu fwana kwenda kuna mpe—mpe kusala mutindu bayankaka?” Mbote, beno fwana ve, ya kele kima mosi ya kieleka. “Mbote, mu ke tuba na beno, yinki beno ke banza ti mu ke sala ntangu mu ke kwenda na lukutakanu ya mumbungu na ntangu yankaka yina? Yinki mu ke sala kana mu me kutana na mfumu ya kisalu ya munu—ya munu mbasi? Mpe yina, mu fwana kuzwa Mpeve yina na zulu ya munu, mpe mu ke dumuka kuna, na kati-kati ya kisalu ya

munu, mpe kutuba na bandinga, oh, yina ke pesa munu lukumu. Ve, beno vwanda na ngaanda ya yawu!"

¹⁶⁸ Beno me mona, beno bawu yayi, beno me mona. Yinga, beno ke bika Yesu kukota, beno ke kota na dibuundi mpe kutula nkumbu ya beno na zulu, beno ndima Yesu mutindu Mvulusi ya beno; kasi wapi mutindu samu na kuvwanda Mfumu ya beno, ntangu Yandi kele ya kufuluka? Ntangu Yandi kele Mfumu, Yandi kele na yawu nyonso, kele ya Yandi; beno, beno kele ya muvimba ya kupesa na Yandi ntangu yayi.

¹⁶⁹ Kasi mwa lunangu yina. "Oh, nge zola tuba, samu na beto bakento, beto ke bika bansuki ya beto kukula?" Mbote, ya kele yina Yandi tubaka. "Beto fwana bika kubongisa ya bima ya kubongisa, to kusala bima ya kubongisa?" Ya kele yina Yandi tubaka. "Mbote, yinki beno ke banza ti selekele ya munu ke sala? Ba ke bokila munu mutindu ya kusala." Mbote, beno bika kaka lunangu ya beno. Beno kwenda na ntwala. Yandi ke telama na mwelo, ya kele ntama Yandi lenda kuzwa.

¹⁷⁰ Kasi ntangu beno kele ya kukubama na kuzibula kielo yina, ti Yandi kota, Yandi ke sukula yawu samu na beno. Beno ke losa bakupe na poubelle, mpe beno ke losa ba-maquillage na poubelle, mpe muzengi-nsuki ke kufwa na nzala kana yandi zenga kaka nsuki ya bakento, na bakwikidi ya kieleka.

¹⁷¹ Ntangu yayi beno tuba, "Yina ve!" Oh, yinga, ya ke salaka yawu, mpe. Ya kele yina Biblia ke tuba. Ya kele kieleka. Beno me mona, ya kele na mpova mosi ya fyoti kuna, yina beno zola ve ti Yandi kubanza.

"Mbote, pasteur ya munu!"

¹⁷² Mu ke kipe ve yina pasteur ke tuba. Ya kele yina Biblia ke tuba, "Ya kele nsoni samu na kento na kusala yawu."

¹⁷³ "Mbote," beno ke tuba, "beto fwana longa beto bima, Mpangi Branham, kele mutindu ya kuzwa Mpeve-Santu, mpe mutindu ya kuvwanda *yayi, yina*." Wapi mutindu beno ke longuka bantalu kana beno zaba ve ABC ya beno? Beno zaba mpe ve mutindu, kusala mutindu, kutalana mutindu mosi, kulwata mutindu mosi. Ya kele nsoni na kumona bakento yayi na bala-bala bubu yayi.

¹⁷⁴ Mu kwendaka kisika mosi mazono, ntangu, oh, mwa ba-gangster mosi ya kubeba kotaka. Bawu, babakala vwandaka na bansuki na meso ya bawu, ya kulumukaka mpe vwandaka kulumuka na mukongo ya bawu, mpe mutindu nkonga ya bantu ya kufuluka, mutindu bana ya fyoti ke lwataka na lukolo, na basapatu ya nene ya ntama, na yinwa ya kufunguka ndambu. Beno lenda tuba ti bawu vwandaka bimpumbulu. Mpe bawu kotaka kuna mutindu yina, bawu tubaka, "Beto kele bantu ya France."

¹⁷⁵ Nani na yinza ke baka na kisalu muntu ya mutindu yina na kisalu ya yandi? Wapi mutindu bawu ke sala na kuzinga? Mpe mu

monaka bana-babakala zole ya kieleka yina me vwanda kuna . . . Ba me katuka na yinza ya muvimba kuna, na ba-beatnick yayi, to mu ke kwikila ti ba ke bokila bawu mosi *baniam* to *banzinzi*, to kima ya mutindu yina, mwa bima yina ke katuka na Angleterre. Mpe kuna na kat i mutindu yina, nani ke baka na kisalu muntu ya mutindu yina samu na kusala samu na yandi? Beno ke zola kutula bakala ya mutindu yina na mumbongo ya beno, beno bantu ya mumbongo? Kana beno zola, beno kele, ya kele na kima mosi, beno me kuma ntete ve pene-pene mingi na Kulunsi.

¹⁷⁶ Beno tala bakento yayi kuna na bala-bala, mpe ya kele nsoni! Ya lendaka vwanda ti mwa bakento yina zaba dyambu ve na mwa bilele yayi ya fyoti, beno me mona, mbote, ya kele nsoni, mutindu bawu ke tala. Mbote, beno ke tuba, “Kasi, kento, nge ke salaka kindumba.”

¹⁷⁷ Ba ke tuba, “Vingila fioti awa, ntwenia ya bakala! Mu ke kaka ya kulunga mutindu mu . . .” Ya lendaka vwanda mutindu yina, na mabanza ya beno mosi. Mpe ya lendaka vwanda mutindu yina, na kusiamisaka mpe na nzila ya kizame ya medesine, ti beno lendaka vwanda.

¹⁷⁸ Kasi, beno bambuka moyo, na Kilumbu ya Lufundusu, beno ke pesa mvutu samu na kusalaka pité. Yesu tubaka, “Muntu nionso yina ke tala kento samu na kulula yandi me sala ntete pité na yandi na kati ya ntima ya yandi,” mpe nge kukitalisaka nge mosi na yandi. Beno me mona mutindu dyabulu me kufwa bawu meso? Ya kele nsoni. Ya kele nsoni. Beno me mona, bawu—bawu kele na mpeve. Ya kele mpeve yina ke salaka yawu. Ya kele mpeve ya santu ve.

¹⁷⁹ Kasi Mpeve-Santu ya kieleka ke sala kento kulgata na bukebi mpe ke talana santu.

¹⁸⁰ Kento ya munu tubaka na munu, kilumbu mosi. Beto vwandaka tambula na bala-bala, mpe beto monaka kento mosi me lwata robe, kuna na yinsi ya beto. Ya vwandaka kima mosi ya ngitukulu, beno me mona, ba-Pentecotiste kele mingi ve kuna. Na yawu, beto ke mona ti yandi vwandaka na robe mosi. Mpe yandi tubaka, “Billy,” yandi tubaka, “Mu zaba bayankaka ya bawu bakento. Bawu ke yimbaka na chorale awa na mabuundu yayi.”

Mu tubaka, “Ya kieleka.”

Yandi tubaka, “Mbote, mpe bayankaka ke tubaka ti bawu kele Baklisto?”

Mu tubaka, “Cherie, tala. Nge me mona, beto kele ve . . .”

Yandi tubaka, “Samu na yinki bantu ya beto?”

Mu tubaka, “Tala, cherie, beto kele ve bantu ya bawu—ya bawu.”

Yandi tubaka, “Yinki?” Yandi tubaka, “Bawu kele ba-American.”

Mu tubaka, “Yinga, kasi beto kele ve.”

Yandi tubaka, “Beto kele ve?”

Mu tubaka, “Ve.”

¹⁸¹ Mu tubaka, “Ntangu mu ke kwenda na Allemagne, mu ke mona mpeve ya Allemagne. Ntangu mu kwendaka na Finlände . . .” Kuna na kivinga yina ya nene, mingi na kati ya beno bantu ya Finlände me zaba, bakento ke sukulaka babakala. Na yina, ya kele kaka mpeve ya Kulunga. Bantu ya ngolo mingi, kasi, beno ke mona, kisika nionso beno ke kwenda, beno ke kuzwa mpeve ya yinsi.

¹⁸² Beno ke kota na dibuundu mosi mpe beno ke tala mbote pasteur, kana yandi kele kieleka ya kudasuka mpe ke landila mutindu nyonso, dibuundu ke vwanda mutindu mosi. Beno me mona? Bawu ke baka mpeve ya mosi na yankaka na kisika ya Mpeve-Santu.

¹⁸³ Ya kele samu na yina beto kele na malongi mingi ya kubeba ya Biblia. Na kisika ya kuvutuka na dikani, ba me baka mpeve ya denomination mosi. Beno me mona? Kasi Ndinga kele kaka nzenza samu na bawu mutindu Yawu vwandaka na bilumbu ntangu Yesu kwizaka, ke talisaka Nsangu ya mbote ya kieleka. Bawu tubaka, “Yandi ke diabulu. Yandi ke Béelzébul.” Beno me mona? Kasi beno me bakula yawu.

¹⁸⁴ Mpe yandi tubaka, “Mbote, na yina, beto kele ve bantu ya Amerika, yinki beto kele?”

¹⁸⁵ Mu tubaka, “Kimfumu ya beto kele ya Zulu.” Beno me mona, beto kele na kimpwanza, ya kubutuka dyaka. Kimfumu ya Nzambi kele na kati ya beno. Beno me mona, kusala mutindu Kuna, beno kele bimonikisi ya Kuna. Mu tubaka, “Beto kele bisintoto awa, beto ke na kuzinga awa na nzutu. Kasi, bampeve ya beto, beto kele bizieti mpe banzenza.” Beto kele ya nzenza na yinza ntangu yayi, mpe yinsi ya beto mosi, samu ti beto me ndima lubokilu ntangu yawu ke bula na ntima ya beto, samu na kukuma ndambu ya Yandi, Ndinga ya Yandi. Mpe Ndinga ke bongisa beto, ke sala beto kuzinga mpe ke sala beto kusala mutindu Baklisto.

¹⁸⁶ Mwa ntangu fioti me luta, na Sude, mwa disolo mosi. Ya vwandaka na ntinu . . . to, mubongisi. Ba tekisaka bampika. Yina vwandaka na ntangu ya—ya nkabwani, mpe bawu vwandaka na bampika na Sude. Ba vwandaka . . . Ba vwandaka kwenda sumba yawu, kaka mutindu beno zolaka sala na tomabilu ya ntama, na mingi.

¹⁸⁷ Ntangu yayi, mu kele muntu ya kimvuka, ya kieleka . . . Mu zola tuba muntu ya nkabwani. Mu kele muntu ya nkabwani. Samu ti, mu ke kipe ve lutangu bawu ke swana, beno lenda vwanda ve Muklisto mpe kuvwanda muntu yina ke kota na kimvuka. Ya kele kaka kieleka. Nzambi kabulaka bayinsi ya

Yandi. Yandi kabulaka bantu ya Yandi. "Beno basika na kati ya bawu!" Yandi kele... Yandi kele muntu ya nkabwani. "Mpe ve... Beno simba ve bima ya bawu ya yimbi!" Yandi bendaka Israel, na dikanda ya ba-Juif yina, na kati ya konso muntu, na yinza ya muvimba. Yandi kele muntu ya nkabwani.

¹⁸⁸ Kasi mu ke kwikila ve ti muntu mosi ke vwanda mpika. Nzambi salaka muntu; muntu salaka bampika. Mu ke kwikilaka ve ti mosi lendaka yala na zulu ya yankaka, na mutindu nionso, ya mpusu, to kima mosi.

¹⁸⁹ Kasi ya kele na nkabwani, Kento ya makwela ya Klisto kele ya kukabuka na bayankaka ya mabuundu, mpe ya kele kaka kieleka: dibuundu ya kimuntu, mpe Dibuundu ya kimpeve; dibuundu ya nsuni, Dibuundu Ndinga. Ya ke vwandaka ntangu nionso. "Yesu kwisaka na bantu ya Yandi, bantu ya Yandi kuyambaka Yandi ve; kasi bayina nionso ndimaka Yandi!"

¹⁹⁰ Na yina yayi, ya vwandaka na basumbi, kisadi mosi lutaka kuna mpe sumbaka bampika yayi. Kilumbu mosi ya vwandaka na mosi yina kwisaka na kilanga ya nene, mpe yandi vwandaka tala bawu. Bampika vwandaka bula ngolo, mpe nionso yina, beno zaba. Bawu vwandaka ntama na yinzo; bawu vwandaka vutuka diaka ve. Ba-Boers, ba-Hollandais, ba kwendaka kuna mpe bakaka bawu, ba nataka bawu awa mpe tekisaka bawu. Mpe ba ke mona diaka ve papa, mama, ba ke mona diaka ve babébé ya bawu. Ba me benda bawu na mosi na yankaka; yandi bakaka bakala mosi ya nene, yina butaka yandi na kento ya nene, na kento ya yandi mosi, samu na kuvwanda bampika ya kulutila nene. Oh, Nzambi ke sala bawu pesa mvutu samu na yawu kilumbu mosi! Ya kele kieleka. Ya kele ya kulunga ve.

¹⁹¹ Mutindu Abraham Lincoln tubaka kilumbu mosi, ntangu yandi basikaka na bwatu kuna na New Orleans, yandi lokotaka yimpu ya yandi ya kikalangu...

¹⁹² Yandi monaka bantu tatu to yiya ya ndombe, yina vwandaka kulumuka, ya kutelama kuna kukondwa basapatu, kisika bawu vwandaka... Ngombe mosi ya kento butaka mpe kawusaka ntoto, bawu vwandaka kuna na manima bawu kotisaka bangombe. Mwa makulu ya bawu ya ntama pasukaka, menga vwandaka basika. Ba vwandaka yimba, "Beno kele na basapatu, mu kele na basapatu, mpe bana ya Nzambi nionso kele na basapatu."

¹⁹³ Ntangu yandi basikaka na masuwa kuna, yandi kwendaka kuna na lupangu ya bangombe, ya vwandaka na muntu mosi ya ndombe ya nene ya kutelama kuna, yina ba vwandaka bula na fimbu, ba vwanda meka ntima ya yandi. Mpe yandi kimaka mbangu na bala-bala, na fimbu na manima ya yandi; na manima yandi tala ntima ya yandi mbote, beno tala kana yandi vwandaka mbote. Mwa kento ya yandi ya mawa ya kutelama kuna, bana zole to tatu na yisi ya maboko ya yandi mutindu *yina*; samu na

kutekisa yandi, samu na kubuta yandi na kento ya kulutila nene. Abraham Lincoln simbaka yawu na yimpu ya yandi... yimpu ya yandi na nsi ya mapeka ya yandi, mutindu *yayi*, mpe bulaka dikofi ya yandi, yandi tubaka, “Ya kele luvunu! Mpe kilumbu mosi mu ke kota na yawu, kana ya zimbana luzingu ya munu.” Mpe kuna, na musée na kati ya Chicago, kele na robe ya menga na zulu ya yawu, yina pesaka muswa na yawu.

¹⁹⁴ Mpe mu ke tuba disumu yina mpe nyonso kele na foti! Nzambi sadisa munu na kukota na yawu, mpe milongi nyonso yankaka ya Nsangu ya mbote. Beto me butuka na kimpwanza, bana ya Nzambi. Beto kele na kisalu ve samu na credo mosi to nsambilu samu na kukotisa beto na Conseil Mondial ya Mabuundi, beto kele bantu yina me butuka na kimpwanza, na Mpeve-Santu, beto kele na muswa, beto me basika na kima ya mutindu yina samu na kuvwanda ba-Pentecotiste. Ya kele kieleka. Ntangu yayi beto kele na kimpwanza. Beto fwana vwanda dyaka ve ya kukangama na bima yango.

¹⁹⁵ Kasi mubongisi tubaka, yandi talaka bampika ya yandi, nkama to kima mosi, ya bawu, na bilanga ya nene, yandi tubaka, “Tala!” Mwa muntu mosi kuna, ba vwandaka bula yandi ve fimbu; ntulu ya yandi vwandaka bula, mpe harpe ya yandi, vwandaka na kisalu! Yandi tubaka, “Tala! Mu zola sumba yandi.”

¹⁹⁶ Yandi tubaka, “Oh, ve!” Mfumu tubaka, “Yandi kele ve ya kuteka. Huh-uh.”

Yandi tubaka, “Mbote, yandi kele mpika?”

Yandi tubaka, “Yinga.”

¹⁹⁷ Yandi tubaka, “Mbote, yinki ke salaka yandi ya kuswaswana mingo?” Yandi tubaka, “Nge ke pesaka yandi madia ya luswaswanu?”

Yandi tubaka, “Ve, bawu nyonso ke kudyaka kuna na cantine, kintwadi.”

Yandi tubaka, “Yandi kele mfumu ya kisalu na zulu ya bawu?”

Yandi tubaka, “Ve, yandi kele kaka mpika.”

“Mbote,” yandi tubaka, “yinki ke salaka yandi mutindu yankaka?”

¹⁹⁸ Yandi tubaka, “Nge zaba, mu kukiyufulaka yawu, munu mosi. Kasi,” yandi tubaka, “beno zaba, kuna na yinsi ya bawu kisika ba me katuka, na Afrique, tata ya mwana yina ya bakala kele ntinu ya dikanda. Mpe ata ti yandi kele nzenza, yandi ke kukitwadisa yandi mosi mutindu mwana ya ntinu.”

¹⁹⁹ Oh, mu banzaka, yinki diambu samu na Buklisto! Bakento, yina ke sukisa kulwata bilele ya bawu mutindu yina! Bantu, ke sutope yina ke tuba na bawu mambu ya nsoni mpe bima nyonso

ya mutindu! Beto kele bana ya babakala mpe bana ya bakento ya Ntinu. Beno lwata mutindu ntinu ya kento, beno lwata mutindu mama. Beno sala mutindu bakala ya mbote, beno bika ve nsuki ya beno kukula mutindu *yayi*. Biblia ke tuba, “Ya kele yimbi (yinza ke longa beno) samu ti bakala kuzwa nsuki ya yinda. Mpe ya kele nsoni mpe kima ya ntangu nyonso samu na kento na kusambilila na nsuki ya yandi ya kuzenga.” Mpe wapi mutindu samu na bayayi? “Ya kele—ya kele busafu samu na kento na kulwata bilele yina kele ya bakala.” Nzambi ya nene yina ke sobaka ve ke sobaka ve. Kasi dyaka bubu yayi ya kele kaka pete-pete mutindu yinsi ya beto nyonso kele. Nsoni! Beto sala mutindu bana-babakala mpe bana-bakento ya Nzambi. Beto zinga mutindu yawu. Beto kele, beto kele bana ya babakala ya Ntinu. Beto kele. Beto kele. Kaka ntangu yayi nkonga ya mvindu mpe ya mvindu, na lweka awa, bantu ke tubaka ti bawu kele “Baklisto” mpe ke sala kaka mutindu yina!

²⁰⁰ Kasi beno bambuka moyo, beto kele na kukonkota kilumbu mosi, mpe zibulaka Yandi, na lunangu mpe nionso me bikana. Amen. Mu ke kipe ve yina ba ke bokilaka munu!

Oh, mu banza ti mu kele kaka mwa muntu ya
mutindu ya ntama,
Kasi Mvulusi ya munu vwandaka na mutindu
ya ntama, mpe.

²⁰¹ Ya kieleka? Beno me kuwa nkunga. Beno vwanda muntu ya mambu ya ntama! Beno meka ve na kumekula muntu yankaka. Yandi kele Mbandu ya beno. Beno meka na kuvwanda mutindu Yandi, mpe Mpeve na kati ya beno ke sadisa beno na kusala yawu. Beno pesa luzingu ya beno mutindu ya Yandi.

²⁰² Yinga, ya kele na kielo kuna. Mu zola bokila kielo yankaka. Mu ke na bamputa. Ya kele na mwelo yankaka kuna, yina ke na kwiza kaka na mwelo yina, ke na kwenda na lweka ya diboko ya kibakala, mpe kielo yina kele kielo ya luzingu ya beno ya kingenga. Oh! Oh, beno zola ve ti Yandi kuvwanda na mvindu na yawu. “Ntangu yayi, kana mu zola kukwenda na mwa feti ya bansusu, yinki ya kele samu na Nge? Yinki dibuundi ke tuba na munu yina mu ke sala?” Uh-huh, yawu yina, beno me mona. “Mosi ya kumi ya lufutu ya munu? Nani ke tuba na munu yinki kusala? Yina kele luzingu ya munu mosi! Mu ke sala mbongo yayi. Mu ke na luzingu ya munu mosi. Mu ke lwata bakupe kana mu zola. Yina ke ntangu ya munu mosi ya mbote-mbote ya Amérique.” Ya kieleka. Ya kieleka. Ya kieleka.

²⁰³ Kasi kana beno kele mwana-dimeme, mpe nkombo ve, beno me mona, bana-mameme kele yina Yandi kele na manima. Bawu ke kabwana kilumbu mosi.

²⁰⁴ Dimeme kele na mika. Ya kele kaka kima yina kele na yawu. Mpe ya lenda ve kusala mika yango. Ba me lomba beto ve na kusala mbuma ya Kimpeve, kasi samu na *kupesa kimbangi* ya

mbuma ya Kimpeve. Mpe ntangu nyonso yina ya kele dimeme, ya ke buta. Ya kele ve na nsatu ya kusala. Ba-glande mpe bima nionso na kati ya yawu kele mameme, ya ke sala mika samu na kati ya yandi kele na ba-glande mpe adréline mpe bima yina ya ke lombaka samu na kusala mika.

²⁰⁵ Mpe ntangu beno kele Muklisto, beno ke sungama na Ndinga. Mu ke kipe ve yina muntu yankaka ke tuba. Beno lenda sala kima mosi ve, mpe kubasisa kima mosi ve, kubasisa, kupompa. Beno kele Muklisto. Beno ke buta kaka mbuma ya Mpeve. Beno me mona? Beno me mona, mpe ya kele mutindu yina. Beno me mona?

²⁰⁶ Kasi, bantu bubu yayi, bawu zola ve ti beno kusakana na luzingu ya bawu ya kingenga.

²⁰⁷ Kima kaka beno ke sala, beno zibula kaka konso kielo pene-pene, ntangu yayi beno tuba, “Kota, Yesu.” Beno tala yina ke salama. Ntangu beno ke mona na kati ya Buku, beno fwana sala *yayi*, beno ke sala yawu. Samu na yinki? Beno kele mameme, na kubanda, kuna.

²⁰⁸ Kasi kana beno zola kaka kutula, beno kanga Yandi na kielo, beno tuba kaka, “Mu me kuma ya dibuundi. Mu kele mbote mutindu beno. Beno me mona, mu ndimaka Klisto.” Ya lenda vwanda kaka yina beno salaka. Kasi beno salaka Yandi *Mfumu*? Beno me mona?

²⁰⁹ Ntangu yayi, *Mfumu* lenda vwanda ve na Buku ya ba-misiku mpe kutuba Ndinga, mpe na manima kukwisa mpe kumanga Yawu. Mpe kana beno tuba ti beno kele na Mpeve-Santu, mpe Biblia ke tuba kima mosi ya kusala, mpe beno ke tuba, “Oh, mu ke kwikila *Yawu* ve.” Beno bambuka kaka moyo, mpeve yina na kati ya beno kele ve Mpeve-Santu, samu ti Yandi lenda ve kumanga Yandi mosi. Ya kieleka. Yandi lenda manga Yandi mosi ve. Yandi sonikaka Ndinga, mpe Yandi ke kebaka Yawu, samu na kusala Yawu. Beno me mona? Na yina ya kele ve Santu . . .

²¹⁰ Ya kele mpeve, mbote mingi, ya lendaka vwanda mpeve ya dibuundi, ya lendaka vwanda mpeve ya pasteur, ya lendaka vwanda mpeve ya yinza, ya lendaka vwanda, Mu zaba ve yinki ya kele, kasi nionso yina ya kele, ya lendaka vwanda mpeve ya denomination, “Mu kele Methodiste; mu kele Baptiste; mu kele Presbyterien; mu kele Pentecotiste; mu kele *yayi*,” ya kele . . .

²¹¹ Pentecote, ntangu yayi beno bambuka moyo, bika mu sungika yawu, Pentecote kele organisation ve, Pentecote kele nzingulu yina beno ke kuzwa. Beno ba-Methodiste, ba-Baptiste, ba-Catholique, mpe nionso yina, lenda nzingulu ya Pentecote. Beno lenda ve kukota na Pentecote, samu ya kele ve na mutindu ya kukota na yawu.

²¹² Mu vwandaka na dibuta ya Branham kubanda bamvula makumi tanu na tanu. Beno zaba, ba me yufulaka munu ata fioti ve na kukuma Branham. Mu butukaka, Branham mosi.

²¹³ Mpe ya kele mutindu beno kele Muklisto, beno me butuka Muklisto. Ya kele kieleka, ntangu yayi.

²¹⁴ Oh, luzingu yango ya kingenga! “Oh, mu ke tuba na beno, pasteur ya munu ke kwendaka na bisika ya makinu yayi, mpe beto ke sala twist. Ba ke na yawu.” Mbote mingi. Beno me mona? “Beno kwiza tuba na munu ve yina mu lenda sala mpe yina mu lenda sala ve.” Mbote mingi, beno me mona, beno ke bika Yandi ve na kati.

²¹⁵ Beno bika kaka Yandi na ntangu mosi, mpe na manima kuvutuka na twist to na rock-and-roll, to nionso yina beno ke sala, kumona yina beno lenda sala. Beno lenda sala yawu ve. Ti Yandi na ntangu mosi, mpe na manima kubanda na kulwata bakupe, ndambu ya beno bakento.

²¹⁶ Mu zaba ti mu ke baka beno ntangu ya yinda, kasi mu zola tuba kima mosi diaka, kana ya kele mbote mingi, na kati ya bubu yayi.

²¹⁷ Mu banza, lukutakanu ya kulutila nene yina Mfumu me bikaka munu kusimba samu na Yandi vwandaka na Bombay, kisika mu vwandaka na mafunda nkama tanu, kasi, mpe bankama zole mpe bayankaka ya mafunda na—na Afrika, na Durban, na kilanga ya mbangu. Na manima ya midi yina, mu tubaka, na manima bawu me mona kima mosi ya nene ya ngitukulu yina Mfumu ya beto ya lemvo me kulumuka mpe me sala, Mu tubaka, “Ba-missionnaire ke longaka beno Ndinga, kasi Ndinga me kindisama mpe me zinga. Yina Yandi ke tuba fwana kwiza na luzingu.” Mpe—mpe na yina ntangu ya vwandaka na makumi zole na tanu ya bakubeluka yina vwandaka salama na mbala mosi, mpe kufulusa na manima ya kufulusa na bakiti ya mbote ya ntama kuna; kaka kisambu mosi ya fyoti ya pete-pete, bawu monaka Mpeve-Santu kaka... Bantu yina zabaka ve nani bawu vwandaka mpe kisika bawu katukaka, kaka yina bawu zolaka kumona. Beno me mona?

²¹⁸ Mpe mu yufulaka, “Bantu yikwa zola ndima Klisto?” Ya vwandaka na mafunda tatu yina telamaka na makulu ya bawu, na bulanketi ya bantu, yina vwandaka nata biteki.

²¹⁹ Docteur Bosworth, Docteur Baxter mpe bayankaka, bandaka na kudila. Mpe Mpangi Bosworth kwendaka mbangu, yandi tubaka—yandi tubaka, “Mpangi Branham, yayi kele kilumbu ya nge ya kuvwanda ya lukumu.”

²²⁰ Mpangi Baxter tubaka, “Mpangi Branham, mu ke kukiyufula, mu banza ti ba zolaka tuba kubeluka ya nzutu.”

²²¹ Mwana-bakala yina vwandaka na maboko mpe yandi fukamaka. Mpe Mpeve-Santu tubaka na yandi kisika yandi me katuka, yinki me salama, yandi tubaka, “Nge ke tuba. Banza na mpangi ya nge ya bakala, yandi kele pene ya ba-mètre nkama yiya na manima kuna. Yandi vwandaka tambula na zulu ya nkombo ya jaune, mpe yandi lwalaka dikulu ya yandi.”

Mu tubaka, "Kasi, MUTINDU ME TUBA MFUMU, yandi me beluka." Mwana-bakala yayi kwisaka, na ba-béquille na maboko ya yandi, mutindu *yayi*. Mpe ya lombaka bawu pene ya minutu makumi zole samu na milice samu na kulembika bawu.

²²² Na yina mwana-bakala yayi, na maboko mpe na makulu ya yandi, mutindu *yayi*, na nsi, lendaka ve kutelema, kinkonga. Oh, la la, kima ya boma! Yandi banzaka ti yandi vwandaka kwenda kuna na bizieti, beno zaba, samu na kukwenda na kuzomba ya mfinda. Mpe mu kangaka muniololo mpe mu ningisaka yawu. Mu tubaka, "Kana mu lendaka sadisa kivangu yina ya mputu, mpe mu lendaka sala yawu ve, mu ke vwanda... Mu lendaka ve kuvwanda ya kulunga samu na kutelama na manima awa. Kasi," mu tubaka, "Mu lenda ve kusadisa yandi. Kasi ntangu yayi mu kele na mwa dikabu, mu lenda sala kaka yawu na kutambula, nyonso yina Mfumu ke tuba."

²²³ Mpe ntangu Mfumu lakisaka, tubaka na yandi nani yandi vwandaka, yandi tubaka, "Mama ya yandi mpe tata ya yandi kele ya kuvwanda kuna, bawu kele Zoulou." Mpe tubaka, "Bawu kele fioti, ya mumesanu ve." Zoulou ke fulusa bankama tatu ya ba-kilo, na mvula mosi. Na yawu kuna tubaka, "Bawu kele ya mumesanu ve. Kasi mwana ya bakala yayi butukaka na yinzo ya Muklisto, samu na...na diboko ya kibakala, na yina beno ke kota na kyelo, ya kele na foto ya Klisto, na kati ya mwa dibulu yina kele na kati ya yawu." Mpe ya vwandaka kaka kieleka. Mama mpe tata ya yandi vumbukaka na lufwa. "Mpe *yina kele nkumbu* ya yandi." Ya kele yandi yina yandi vwandaka, mpe nyonso. Ba lendaka ve kubakula. Mu talaka na manima mpe mu monaka yandi ya kutelama, na vision kuna, kaka ya kusungama mutindu yandi lendaka vwanda. Yandi vumbukaka ata fioti ve, na luzingu ya yandi, yandi butukaka mutindu yina. Mu tubaka, "Mfumu Yesu me belusa yandi."

²²⁴ Yandi vwandaka mpe ve na mabanza ya yandi ya mbote, vwanda meka na kukwenda, "uh, ba, ba, ba," mutindu yina.

²²⁵ Mpe mu simbaka muniololo, mpe mu ningisaka yawu mutindu *yina*. Mu tubaka, "Yesu Klisto, mwana, ke belusa nge. Telema." Yandi yina me telema. Masa ya meso vwandaka kulumuka, mpe vwandaka basika na kivumu ya yandi ya ndombe, na yina yandi kulumkaka mutindu yina. Mu monaka makumi tatu ya mafunda ya bamvumbi ke pesa bantima ya bawu na Yesu Klisto.

²²⁶ Ntangu na Kiwanis Club, mu tubaka, "Ntangu yayi, ba tubaka na munu ti mu ke kuma exalté ntangu mu bikaka dibuundi ya Baptiste na yina mu lendaka vwanda na kimpangi na bantu nionso, bawu tubaka, 'Mbote, nge ke kuma exalté,' mu tubaka...nkonga ya bampangi ya munu ya ba-Baptiste tubaka." Mu tubaka, "Nge me fidisa ba-missionnaire kuna, na bamvula nkama na makumi tanu me luta, yinki mu monaka

bawu? Ba vwandaka ya kukangama na biteki.” Mu tubaka, “Kasi ngolo ya mvumbukulu ya Yesu Klisto, mafunda makumi tatu kundimaka Klisto na ntangu mosi.”

²²⁷ Ntangu yayi mu zola tuba na beno bakento, beno zaba yinki kusalamaka na bakento yina? Mu tubaka, “Kaka na kisika nge kele ya kutelama, Mpeve-Santu ke fulusa nge.” Mpe ntangu ba me telemisa maboko ya bawu samu na kundima Klisto mutindu Mvulusi ya bawu, mpe ntangu ba me kwenda ntama kuna; kinkonga, ntangu yayi, kima mosi ve kasi kaka mwa kitini ya lele, ya kufika na ntwala. Mpe na ntangu bawu kwendaka ntama ya kuna, bawu kangaka maboko ya bawu mutindu *yayi*, samu bawu vwandaka na mvwandulu ya muntu, na manima bawu me ndima Klisto.

²²⁸ Ntangu yayi wapi mutindu beto lenda, bampangi ya bakento, wapi mutindu beto lenda vwanda na yinsi yayi kisika beto ke tubaka ti beto ke kwikila mpe beto kele Baklisto, mpe konso mvula ba ke katulaka mingi? Ntangu, muntu yina me kuwaka ata fioti ve Nkumbu ya Klisto, kasi yandi ndimaka Yandi kaka na kati ya ntima ya bawu. Ve, beno lenda tuba na bawu ve ti bawu kele kinkonga, bawu zabaka yawu ve. Kasi bawu kukifikaka bawu mosi mutindu *yayi*, samu na kwenda. Kilumbu yina ke landa, to zole, beno ke kuzwa bawu ya kulwata bilele, ya mutindu mosi. Oh, la la!

²²⁹ Ya kele na kima ke na kutambula mbote ve kisika mosi. Ya kele kufuluka na ba-théologie. Ngolo ya mvumbukulu ya Yesu Klisto, mutindu Yandi salaka na muntu yina bokilaka “Nkonga,” beto monaka yandi me lwata bilele mpe na mabanza ya yandi ya kibakala. Mpe mu bandaka na kukwikila ti ya kele mpeve na zulu ya bantu yina ke twadisa bawu na kati ya Americanisme yina mpe Franchisme, mpe mambu ya yinza mpe mambu ya dibuundu ya mutindu na mutindu. Kasi beno bika bawu mbala mosi kukwiza na Mulongisi yina, mpe bawu ke kuwa kukonkota yango na kyelo, ba ke lwata bilele mpe ba ke zinga mutindu bakento mpe babakala, mpe ba ke vwanda Baklisto yina me butuka mbala zole. Amen. Yinga.

²³⁰ Ntangu yayi mu me sala, baminuti makumi zole na ntwala ya ngunga kumi na zole, kaka—kaka baminuti fyoti, ti mu bika yawu na lweka. Kaka mwa ntangu fyoti, Masonuku mosi, mu ke zola kuzibula dyaka kyelo mosi. Ya ke vwanda mbote mingi?

²³¹ Kielo yina ke landa, kuna, kele lukwikilu. Beno me mona, luzingu ya beno mosi... kielo ya lunangu, luzingu ya beno ya kingenga, ntangu yayi beto zibula lukwikilu. Kaka selekele ya bawu nyonso, beno me mona, kasi beto kwenda na lukwikilu.

²³² Beno zaba, mwa ntangu me luta mu vwandaka na lupitalu mpe kento mosi vwandaka kwenda na yisi ya lipaso. Yandi bokilaka munu, yandi tubaka, “Mpangi Branham, mu kele retrograde. Nge lenda sambila samu na munu?”

²³³ Mu tubaka, “Yinga, mama, mu ke vwanda na kiese.” Mu tubaka, “Nge ke retrograde?”

“Yinga.”

²³⁴ Mu tubaka, “Ntangu yayi beto vingila fioti. Beno bika mu tanga Masonuku samu na beno.”

²³⁵ Ya vwandaka na mama mosi ya kulala kuna na mbeto, yandi talaka munu, ya vwandaka ya ngitukulu mingi; yandi, mpe mwana ya yandi ya bakala pene ya bamvula makumi zole, Ricky ya ntangu nyonso, mpe ya kutelama kuna na kutalaka munu mutindu yina.

²³⁶ Mpe mu tubaka, “Yinga, mama,” mu tubaka. Mu tangaka Masonuku na yandi, “Ata ti masumu ya beno kele mbwaki mutindu ngola, yawu ke kuma mpembe mutindu mvula-mpembe. Ata ti ya kele mbwaki mutindu ngola, ya ke kuma mpembe mutindu mika ya dimeme.” Mpe ntangu mu tangaka yawu na yandi, mu tubaka, “Kana beno me kufwa, beno me mona, beno me kwenda ntama na Nzambi, kasi Nzambi ata mbala mosi ve me katukila nge, to nge ke vwanda ve na nsatu ya kubokila munu.” Yandi bandaka na kudila. Mu tubaka, “Beto ke sambila.”

²³⁷ Mama yina kuna na mbeto yina landaka, yandi tubaka, “Vingila fioti! Vingila fioti kuna!”

Mu tubaka, “Yinga, mama?”

Yandi tubaka, “Benda rido yina!”

Mpe mu tubaka, “Nge kele Muklisto ve?”

Yandi tubaka, “Beto kele ba-Methodiste!”

²³⁸ Mu tubaka, “Mbote, yinki ya fwana sala na yawu? Beno me mona, ya kele ve kulutila kutuba ti beno vwandaka—beno vwandaka mwana ya kento, kana beno vwandaka na yinzo ya bangulu, beno me mona.” Mu tubaka, “Yina zola kutuba kima mosi ve.” Beno me mona?

²³⁹ Kasi, beno me mona, ya kele kisika yina yawu me kwiza, kusungama ya yandi mosi. “Ya kele kutelemina lukwikilu ya beto!” Mu tubaka . . . “Beto zola ve kubeluka ya Kinzambi na kati ya dibuundu ya beto, to mutindu ya kima yina.” Beno me mona, beno me mona yina mu zola kutuba? Beno me mona, bawu ke bika ve na kyelo yina. “Ya kele kutelemina lukwikilu ya beto.”

²⁴⁰ Ya kele kaka na Lukwikilu mosi. “Lukwikilu mosi, Mfumu mosi, mbotika mosi.” Lukwikilu yina!

Lukwikilu ya munu ke tala na Nge,
Nge Mwana-dimeme ya Calvaire,
Mvulusi ya kinzambi;
Kuwa munu na ntangu mu ke sambila,
Katula kukondwa lukwikilu ya munu nyonso,

²⁴¹ Disumu! Disumu, ya kele kaka na disumu mosi, ya kele kukondwa lukwikilu. Muntu yina ke kunwaka kele ve nsumuki. Beno me mona, yina—yina—yina, beno me mona, kele ve disumu. Ya kele ve—ya kele ve disumu na kunwa. Ya kele ve disumu na kusala pité. Na kuvuna, na kuyiba, ya kele ve disumu. Yina kele binama ya kukondwa lukwikilu. Kana beno vwandaka mukwikidi, beno zolaka sala yawu ve, beno me mona.

²⁴² Ya kele kaka na zole, beno kele muntu ya kukondwa lukwikilu to mukwikidi, beno me mona, mosi to yankaka. Beno ke sala bima yayi nyonso ve mpe bantumunu ya nsambulu mutindu yina, kaka samu beno kele muntu ya kukondwa lukwikilu; kana beno kele mukwikidi, ya kele Ndinga beno ke kwikilaka na yawu, samu ti Klisto kele Ndinga. Beno me mona? Mpe na yawu beno kele kaka muntu ya kukondwa lukwikilu samu ti beno ke kwikila mwa kinkulu, to mwa ba-dogme yina ba me bwela na Biblia, to kima mosi, mpe ba-denomination ke salaka. Kasi mukwikidi ya kieleka ke kangama kaka na Ndinga yina. Mpe Nzambi ke salaka kaka na nzila ya Ndinga yina, kaka na nzila ya kusala Yawu kusalama, na nsungi yayi yina beto ke na kuzinga.

²⁴³ Mpe ntangu yayi beno tala, mpe beno ke tuba, “Oh, mu... Mpangi Branham, Mfumu...” Mbote, ya kele nyonso ya kulunga, ya vwandaka na ba-Philistin ya kukondwa nzengolo yina kwendaka kilumbu mosi, mpe. Mpe nkonga ya ba-Egyptienmekaka na kulanda Moise na Muba ya Mbwaki, kasi na nsuka... “Mutindu Jannès na Jambrès kuteleminaka Moïse, mbote, beto ke tala kima mutindu mosi na kilumbu ya nsuka,” Biblia ke tuba.

²⁴⁴ Ntangu yayi kaka mwa ntama dyaka. Yesu tubaka awa, na nsungi yayi—yayi, “Samu nge ke tuba ti, ‘Mu kele mvwama, mpe mu me fuluka na bima.’” Beno tala kaka mutindu beto kele bubu yayi, kimvuka ya kulutila mvwama ya dibuundi! Mpe, mbote, beno zaba, beno ba-Pentecotiste ke vwanda mbote mingi kana beno vwandaka kuna na tambourin, na nsongi ya nzila, mutindu batata mpe bamama ya beno vwandaka? Kasi beno kele na mabuundi ya kulutila mbote na bayankaka ya bawu ntangu yayi, na nswalu nyonso ke na kukula na yinza; kasi wapi kisika kele Mpeve yango ya Nzambi yina vwanda vwandaka na katikati ya beto? Beno me basika na kima ya kieleka. “Samu ti beno ke tuba, ‘Mu kele mvwama.’”

²⁴⁵ Beno bambuka moyo, yayi kele Pentecotiste ya ke na kuzonzaka, samu ti nsungi ya Pentecote kele nsungi ya nsuka. Beno me mona, reveil nyonso yayi yina beto me kuzwa, ya kele ve na organisation yankaka yina ke banda. Ya ke vwanda ve. Yayi kele nsuka. Blé me yela ntangu yayi. Ya me luta na makasa, mpe mwinga, mpe mpusu, mpe ya me basika na blé ntangu yayi. Beno me mona, ya ke vwanda dyaka ve. Bawu bandaka mwa Mvula mosi ya Nsuka, kasi yawu kubwaka kaka na kati; konso kima

yina yankaka. Ba ke sala yawu. Yayi kele blé ke na kubasika. Beno tala.

²⁴⁶ “Mpe samu nge ke tuba, ‘Mu kele mwama, mpe mu me fuluka na bima, mu ke na nsatu ya kima mosi ve,’ mpe nge zaba ve ti nge kele muntu ya mpasi, muntu ya kiadi, mpofo, kinkonga, mpe nge zaba yawu ve; mu ke longa nge . . .” Oh, la la! “Mu ke konkota na kyelo ya nge.” [Mpangi Branham me konkota na zulu ya kima mosi—Mu.] “Laodicée, mu ke konkota na kyelo ya nge, mpe mu ke longa nge na kwiza na Munu, mpe—mpe kusumba wolo yina ba me meka na tiya; lele ya mpembe, ti kinkonga ya nge ke monana ve.”

²⁴⁷ Beno katula bima yayi, mpe beno lwata mutindu beno zolaka sala, beno me mona, ludedomo ya Klisto, Bandinga. Ve ludedomo ya munu; ludedomo ya Yandi!

²⁴⁸ “Mpe mu ke longa nge mpe na—na kwiza, kuzwa nkisi ya meso, ti nge lendaka pakula meso ya nge, samu ti nge kumona. Nkisi ya meso!”

²⁴⁹ Mu kele muntu ya Kentucky. Mu butukaka kuna na myongo, mpe beto vwanda vwandaka na mwa kisika mosi ya ntama na kibumbulu. Mpe beto bana vwandaka na kitu na zulu ya kikaluu mosi ya ntama, yina beto vwandaka mata konso nkokila. Mpe beto lalaka. Ba zolaka tula kitini ya lele na zulu ya beto ntangu mvula ya mpembe vwanda kubwa. Mbote, bambwetete, mwa mabaya ya fyoti ya ntama vwanda bina . . .

²⁵⁰ Bantu yikwa zaba yinki mwa dibaya yina ke bula kele? Mbote, mpangi, samu na yinki mu me lwata ve salopette ya munu awa? Mu kele kaka na yinzo ya munu, beno me mona. Mbote, mabaya ya ntama vwandaka kuseka!

²⁵¹ Bantu yikwa zaba yinki matela ya matiti kele? Ntangu yayi yinki beno zaba! Mu banzaka ti mu kuwaka muntu ya nsambulu samu na kima mosi. Mbote, mu banza ti mu kele kaka na yinzo ya munu ntangu yayi. Ya kele mbote. Mpe mu zabaka ata kima yankaka ve tii kaka bamvula fyoti me luta.

²⁵² Bantu yikwa zaba yina mwinda ya ntama kele, cheminée ya ntama, beno zaba? Yina vwandaka ngonda ya nene ya ntama, mpe hibou na lweka. Ba vwandaka vwanda na diboko ya fioti mingi na kati ya yinzo, samu na kusukula bidon yina ya ntama, beno zaba. Mu vwandaka na kikalulu ya kubaka ndongolosi ya ntama, mpe ya zolaka tula munu mvindu; na yawu mu bakaka mwinda yango ya cheminée mpe mu vutulaka yawu kuna, samu na kukeba yawu na mvindu. Yinga, ya kieleka.

²⁵³ Ntangu yayi, nkooko ya munu ya bakala vwandaka muzombi ya mitambu. Mama ya mama ya munu katukaka na ba-reservation. Yandi kwelaka mwana mosi ya kento ya Indien katuka na ba-Cherokee kuna na Kentucky mpe na Tennessee, beno zaba wapi kisika kele, kiwanda ya ba-Cherokee. Mpe, bawu, yandi—yandi vwandaka zomba mpe vwandaka simba,

ntangu nyonso, yina vwandaka—yina vwandaka mutindu yandi vwandaka sala na kuzinga ya yandi.

²⁵⁴ Mpe beto bana ya kuvwanda kuna, mbote, bantangu yankaka ya ke kumaka kieleka madidi. Mpe mupepe ya ngolo yina vwandaka luta kuna, beto vwandaka kuzwa madidi na meso ya beto, mpe—mpe meso ya beto ke kangama na mpimpa, beno zaba. Mama bokilaka yawu “nionso.” Mu zaba ve—mu zaba ve yina yawu kele, kasi madidi lenda kota na meso ya nge, mpe yawu ke kuma madidi. Mpe yandi tubaka, “Nge kele na dyambu na meso ya nge,” samu na—na, beno zaba, mupepe vwandaka baluka kuna, buliyo kubwaka na mpimpa. Meso ya beto ke vimba.

²⁵⁵ Mpe mama lendaka kuma kuna na kikalu, na suka, ntangu yandi me sala mwa bitini ya fioti. Yandi zolaka vwanda na kinkuku ya ba-sphinx ya kuvwanda na zulu ya mesa. Mpe yandi zolaka tuba, “Billy!”

Mu tubaka, “Yinga, mama?”

“Nge na Edwards ke kulumuka.”

²⁵⁶ “Mama, mu lenda mona ve!” Mu bokilaka mpangi ya munu ya bakala, beto bokilaka yandi, “Humpy.” Mu tubaka, “Yandi lenda mona ve, mpe. Beno me mona, meso ya beto vwandaka na dyambu na kati ya bawu.”

Yandi ke tuba, “Mbote mingi, vingila fioti.”

²⁵⁷ Mpe nkooko ya bakala, ntangu yandi ke simba raton laveur... Bantu yikwa zaba yinki raton laveur kele? Yawu yina, mpe yandi ke... Yandi ke simba raton laveur, yandi ke katula mafuta ya yawu mpe ke tula yawu na kati ya bwate. Mpe mafuta yina ya raton laveur vwandaka nkisi na dibuta ya beto. Ba ke pesa beto yawu samu na madidi ya yimbi, na ba-turcte na zulu ya yawu, mpe kerozene. Beto ke mina yawu samu na dyambu ya yimbi na laka. Na yina beno baka mafuta yina ya raton laveur, yandi zolaka kwiza mpe kunika meso ya beto, mpe meso ya beto zolaka zibuka. Beno me mona, ya vwandaka mafuta ya raton laveur yina salaka yawu. Beno me mona?

²⁵⁸ Ntangu yayi, mpangi-bakala, mpangi-kento, beto me luta na kati ya ntangu ya madidi, na kati ya dibuundu. Ya kele kieleka, miupepe mingi ya misambidi me luta, muntu nyonso me kuzwa madidi. Bantu mingi kele na meso ya bawu nionso ya kukangama, mpe ya kele na Lukutakanu ya nene ya Yinza ya Mabuundu yina ke na kwiza, awa, ke tuma mosi na mosi ya beno na kati ya yawu. Bawu ke kwenda ntama na Ndinga yina, bimvuka ya beto mosi kele. Mu kele ya kukangama na Nsangu; ve samu na kuvwanda ya kuswaswana, kasi samu na zola. Zola ke sungikaka. Beno yutuka! Beno vwanda ntama na kima yina! Beno bampangi milongi, mu ke kipe ve yina bankonga ya beno ke salaka, beno vwanda ntama na yawu! Beno bikana na yawu! Ya kele kidimbu ya kibulu, beno vwanda ntama na yawu! Beno

me mona, Yesu ke na kukonkota na nsungi yayi ya Laodicée. Beno me mona kisika ba tulaka Yandi na ngaanda? Yandi ke na kumekaka na kukuma na bantu, ve—ve ba-organisation mpe bankonga ya bantu. Yandi ke na kumeka na kuzwa mosi *awa*, mpe mosi *kuna*, mpe mosi *kuna*, ke na kumeka. “Bayina nionso mu ke zolaka, mu ke sungika ntima.”

²⁵⁹ Mutindu mpangi-bakala yayi ya leke kuzwaka vision awa, mpe tubaka ti yandi kuzwaka vision. Mpe yandi tubaka, “Nsemo mosi yayi yina nge ke kuzwa, pesa mpe, lufwa ya nge.” Beno me mona?

²⁶⁰ “Bayina nionso mu ke zolaka, mu ke sembaka bawu; mu ke vwanda na musoki, mpe mu ke vutulaka bawu na nzila. Mu me telama na kielo, mpe mu ke na kukonkota.” Ntangu yayi, beno tala, mafuta ya raton laveur ke sala yayi mbote ve.

Kasi kele na Kiziba mosi ya kufuluka na
Menga,
Yina basikaka na misisa ya Emmanuel,
Kana bansumuki kukota kuna,
Ba ke zimbana kubwa ya bawu.

Kimpumbulu yina monaka na kiese nionso
Yinto yina na kilumbu ya yandi;
Munu yayi muntu ya mpamba, mutindu yandi,

²⁶¹ Yandi zibulaka meso ya munu, na nkisi ya meso ya Yandi. Mpeve ya Yandi kulumukaka mpe pesaka kimbangi ya Biblia, na nkisi ya meso ya Yandi. Mu lendaka ve kumona Yawu. Mu vwandaka kaka pasteur ya Baptiste, ya kizunga mosi. Kasi kilumbu mosi Yandi fidisaka Mpeve ya Yandi, ve mafuta ya raton laveur ti Yandi kumaka tiya, kasi Yandi fidisaka Mpeve-Santu mpe tiya! Na kutala ya fyoti ya meso ya kukangama na Biblia ya munu—ya munu ya Babiblia... mpe mu lenda mona na disu ya munu, Mu zola kutuba ya kubaluka na meso ya munu samu mu mona Biblia ya munu. Mpe mu monaka yawu, “Yandi vwandaka mutindu mosi mazono, bubu yayi, mpe kukonda nsuka. Ti konso ndinga ya muntu kuvwanda luvunu, mpe ya Munu kuvwanda kieleka. Mu ke telama na kyelo, mpe ke konkota.”

²⁶² Mwa disolo mosi diaka. Beto kele na ntangu? Yinga, yinga, na yina mu ke kwenda, beno me mona.

²⁶³ Ya vwandaka na bakala mosi ya ndombe ya kiboba kuna na Sud. Mpe, pasteur ya yandi, mu zabaka yandi, muntu mosi ya mbote. Beto vwandaka bokila yandi Gabe. Nkumbu ya yandi vwandaka Gabriel, mpe beto vwandaka bokila yandi kaka Gabe. Yandi ntangu nyonso, pasteur mpe munu, beto—beto kwendaka na kuzomba, mingi. Yandi vwandaka mpangi mosi ya bakala ya ndombe ya kiboba, mpe beto kwendaka na kuzomba. Mpe na yawu Gabe yina ya kiboba vwandaka zola kuzomba mingi kulutila nyonso yina mu zaba, kasi yandi vwandaka muzombi

ya mputu. Na yawu, kilumbu mosi pasteur ya yandi mpe yandi kwendaka kuzomba.

²⁶⁴ Mpe beto lendaka ata fioti ve kuzwa Gabe ya ntama samu na kukwenda na yinzo-Nzambi. Yandi lendaka ve kusala yawu. Yandi lendaka ve kukwisa na yinzo-Nzambi. Yandi tubaka, “Ah, mu ke kwenda kuna ve kisika bantu ya luvunu kele.”

²⁶⁵ Mu tubaka, “Kasi, Gabe, ntangu nionso nge ke vwanda na nganda, ba kele nene mingi kulutila nge. Nge ke bumbama na manima ya bawu, beno me mona.” Mu tubaka, “Nge ke na kubumbama na manima ya bawu. Nge kele fioti mingi kulutila bawu kele; bawu ke kwenda kuna mpe ke sala ngolo, beno me mona.”

²⁶⁶ Mpe na yawu yandi tubaka, “Mu—mu—mu—mu—mu ke banza ti mingi na kati ya beno, Tata Bill. Kasi,” yandi tubaka, “Mu—mu—mu—mu zaba ti kiboba ya Jones ke kwendaka kuna, mpe yandi kele kima mosi ve; yandi ke bumbisaka ba-bube, mpe nyonso yina.”

²⁶⁷ Mu tubaka, “Ya kele mbote mingi, Gabe. Beno me mona, ya kele nyonso ya kulunga. Kasi, beno bambuka moyo, Jones fwana pesa mvutu samu na yawu; beno fwana sala yawu ve, beno me mona. Kana beno kwenda kaka . . .” Mu tubaka, “Nge kele na pasteur ya mbote.”

²⁶⁸ “Oh, Pasteur Jones kele mosi ya muntu ya kulutila mbote yina kele na kati ya yinsi!”

²⁶⁹ Mu tubaka, “Bika yandi vwanda mbandu ya nge, kana nge lenda tala ntama ve na yawu. Bika yandi vwanda mbandu ya nge.”

²⁷⁰ Na yawu kilumbu mosi Mpangi Jones tubaka, yandi bakaka Gabe ya ntama na kuzomba, mpe yandi tubaka, “Beto kele na ba-lapin mingi mpe bandeke, kilumbu yina, kulutila beto lendaka vwanda na yawu na mpasi.” Mpe yandi tubaka, “Kwisa na nkokila.” Yandi tubaka, “Gabe ya kiboba vwandaka luta na manima, mpe ya kufuluka, beno zaba, mutindu yayi.” Mpe kento ya yandi vwandaka Muklisto ya kieleka, ya kukwikama. Yandi vwandaka kaka na kisika mosi kuna, kento mosi ya kufuluka na Mpeve-Santu, mpe yandi vwandaka ntangu nionso na kisika ya yandi ya kisalu. Na yawu yandi vwandaka . . . Kiboba ya Gabe vwandaka kwenda na manima ya yandi, beno zaba. Mpe Pasteur Jones tubaka ti yandi talaka na nziunga, yandi lendaka mona, “Kiboba ya Gabe vwandaka tala na zulu ya dipeka ya yandi, mutindu yayi. Mwini vwandaka basika,” yandi tubaka, “ya vwandaka basika malembe mingi, ya vwandaka lembami.” Yandi tubaka, “Na manima ya mwa ntangu fioti,” yandi tubaka ti yandi vwandaka tambula na ntwalala, yandi tubaka, “Gabe ya kiboba kwisaka. Yandi vwandaka na mbungu ya yandi ya masasi ya kufuluka na ba-lapin mpe bandeke, mpe nionso yina.” Yandi

tubaka, "Yandi bulaka pasteur na dipeka, mpe yandi tubaka, 'Pasteur?'"

Yandi tubaka, yandi balukaka, yandi tubaka, "Yinga, Gabe, yinki kele diambu?"

²⁷¹ Na yawu yandi talaka, mpe masa ya meso ya nene vwandaka kulumuka na matama ya yandi ya ndombe, kisika mandefo ya yandi vwandaka kuma mpembe. Yandi tubaka, "Pasteur, mu vwanda tambula na simu yayi awa, pene ya kati-kati ya ngunga." Yandi tubaka, "Mu vwandaka tala mbote mwini yina ke dinda." Yandi tubaka, "Nge zaba, mu ke na mika ya munu ya mpembe, mpe bansuki ya munu ke na kubaluka," yandi tubaka, "nge zaba, mwini ya munu ke na kukotaka mpe, pasteur."

²⁷² Yandi tubaka, "Ya kieleka, Gabe." Mpe yandi telemaka mpe balukaka, yandi tubaka, "Yinki diambu na nge?"

²⁷³ Yandi tubaka, "Mwini ya munu ke na kukotaka, mpe." Yandi tubaka, "Nge zaba yinki?" Yandi tubaka, "Mu bandaka na kubanza," yandi tubaka, "na yina mu vwandaka tambula na manima kuna." Yandi tubaka, "Nge zaba," yandi tubaka, "Mfumu fwana zola munu."

Yandi tubaka, "Ya kieleka, Yandi ke salaka yawu, Gabe."

²⁷⁴ Yandi tubaka, "Nge zaba, mu kele muntu ya mputu." Yandi tubaka, "Mu lendaka ve kubaka kima mosi, kasi," yandi tubaka, "ya kieleka beto—beto ke na nsatu ya nsuni yayi na yinzo." Mpe yandi tubaka, "Tala kaka na nkonga ya nene ya nsaka yina Yandi pesaka munu, bandeke yayi mpe ba-lapin yayi." Yandi tubaka, "Mu ke na mingi samu na kukeba beto sabala nionso ke kwisa." Yandi tubaka, "Yandi zolaka munu, samu mu lenda bula kima mosi ve, beno zaba." Yandi tubaka, "Mu lenda kota na yawu ve, kasi tala kaka yina Yandi pesaka munu." Na yina yandi tubaka, "Yandi fwana zola munu, to Yandi zolaka pesa munu yayi ve."

Yandi tubaka, "Ya kele kieleka."

²⁷⁵ Mpe yandi tubaka, "Mbote, mu vwandaka na mwa kukonkota mosi ya ngitukulu na kielo ya munu, kuna. Yandi tubaka na munu na kubaluka, yandi tubaka, 'Gabe, mwini ya nge ke na kukotaka, mpe.'" Yandi tubaka, "Pasteur, nge zaba yina mu salaka, pasteur?" Yandi tubaka, "Mu pesaka Yandi nsilulu."

²⁷⁶ Yandi tubaka, "Fioti, mu zola kuyufula nge kima mosi." Yandi tubaka, "Wapi dilongi mu longaka yina me sala ti nge kuwa mutindu yina?" Yandi tubaka, pasteur, to yandi tubaka, "Ntangu yayi vingila fioti," yandi tubaka, "yinki—yinki—yinki chorale yimbaka?"

²⁷⁷ Yandi tubaka, "Oh, ya kieleka mu ke zolaka bankunga yina na yinzo-Nzambi, pasteur." Yandi tubaka, "Mu zola nsangu nyonso yina beno ke longa, samu ti ya me katuka mbala mosi na Buku yango ya mbote, mpe mu zaba ti ya kele kieleka.

Kasi,” yandi tubaka, “ya vwandaka yawu ve.” Yandi tubaka, “Yandi me konkota kaka, mpe mu me tala awa, mpe me mona mutindu mbote Yandi vwandaka samu na munu, yina Yandi pesaka munu.” Yandi tubaka, “Lumingu na suka, mu ke kwisa kuna na ntwala kisika nge me telema.” Yandi tubaka, “Mu ke pesa nge diboko ya munu ya kibakala,” yandi tubaka, “samu mu me pesa ntima ya munu na Mfumu, kuna na lweka ya mongo.” Yandi tubaka, “Mu ke botama, mpe ke baka kisika ya munu kaka na lweka ya kento ya munu. Mpe mu ke vwanda kuna tii Mfumu ke bokila munu na zulu mingi.” Beno me mona, yandi talaka kaka na nziunga mpe monaka mutindu Nzambi vwandaka mbote samu na yandi.

²⁷⁸ Mu kele missionnaire. Kana beno lenda tala na meso yina mu ke tala ntangu yayi, mpe kumona kisika ya Indien, mwa bantu yina kele na nzala, bamama yina vwandaka kufwa na nzala na bala-bala, bana ya bawu ya fioti lendaka kudila diaka ve, na nzala, mpe beno banza kaka na yina beto me kuzwa awa bubu yayi. Beno tala na matoma yina beno ke kota. Beno tala bilele beno ke lwata. Beno tala mutindu beno kele mvwama. Nkundi, nge lenda ve kuwa mwa kukonkota yango kisika mosi kuna?

Beto sambila.

²⁷⁹ Na bayintu ya beto ya kukulumusa, mpe bantima ya beto, na yina baminuti ntangu yayi ke na kutatika, na kutala baminuti sambwadi tii na kati-kati ya kilumbu. Mpangi ya munu ya bakala, mpangi ya munu ya kento, science ke tuba na beto ti ya me bikana na minutu tatu tii kati-kati ya mpimpa. Ntangu yayi kana beno lenda tala kaka na nziunga, mpe kubanza kaka na mwa ntangu fioti. Bana ya beno ya fioti me vwanda kuna pene-pene ya beno. Ba-eretiki yikwa!

²⁸⁰ Beno tala kento ya beno ya mbote, mpangi-bakala, mpe beno banza bantu yikwa kele na ba-million ya ba-dollars, mpe ke zolaka kento na ntima ya yandi ya muvimba, yandi kele na ngaanda. Yandi zolaka pesa yandi mafuku ya madidi ya mafuku na kuzwa kento yina zola yandi mutindu kento ya beno zola beno. Mpe beno, kento ya beno, bakento yikwa . . . ?

²⁸¹ Bamama yikwa awa na suka yayi na bana ya bawu ya fioti, batata yikwa yina kele na yawu . . . ? Na yina, oh, la la, ya kele na bantu mingi yina ke talaka na acombe, mwa kima mosi ya ntama ya kubeba, ya kikata, mpe beno tala bana ya fyoti yina kele na beno. Beno me mona? Mpe mingi ya kukula, mu banza . . .

²⁸² O Nzambi! Ya kele na bima mingi, kana beno tala kaka. Yandi me vwanda mbote mingi samu na beto ba-Américain. Ntangu yayi beno lenda kaka ve kutala ti beno ke zola kuzwa mwa mungwa, na suka yayi, “Zibula meso ya munu na mwa ntangu fioti, Mfumu, zibula meso ya munu”? Mutindu mpangi ya beto ya kento ya luzolo mingi yimbilaka, “Disu ya yandi kele

na zulu ya nswini, kaka mwa nswini, mpe mu zaba ti Yandi ke kebaka munu.”

²⁸³ Ntangu yayi Yandi ke na kutala beno ntangu yayi. Beno lenda kaka kuwa, na yisi kisika mosi, mwa kukonkota mutindu *yayi*, [Mpangi Branham me konkota na zulu ya kima mosi—Mu.], “Mu me kwisa kutala munu, na suka yayi”? Ya kele lukumu ya kulutila nene yina ba lendaka futa ntete ve, kana beno lenda kuwa yawu kukonkota na ntima ya beno.

²⁸⁴ Beno zola kaka kutelemisa diboko ya beno, kutuba, “Na yayi, Mfumu, na lusalusu ya Nge mpe lemvo ya Nge, kubanda bubu yayi, mu ke zinga pene-pene ya Nge na yina mu zaba mutindu ya kuzinga. Ya kele nyonso mu zaba mutindu ya kulomba Nge”? Nzambi sakumuna nge. Nzambi sakumuna nge. “Na lusalusu ya Nge mpe lemvo ya Nge, bubu yayi, kubanda bubu yayi, mu ke zimbana yayi ata fioti ve.”

“Tala, mu me telama na kyelo, mpe ke na kukonkotaka. Kana muntu mosi . . .”

²⁸⁵ Ntangu yayi, beno bambuka moyo, wapi kisika Yandi vwandaka konkota, na yinzo ya kibumbulu? Ve. Na ndilu? Ve. Wapi kisika Yandi ke na kukonkota? Na dibuundi!

²⁸⁶ “Kana muntu ke kuwa Ndinga ya Munu, mpe ke zibula na Munu, Mu ke kota mpe ke kudya na yandi, mpe yandi na Munu.”

²⁸⁷ Nzambi ya luzolo, mwa bampova yayi ya kuzengana, ya kuvukisa, mwa bampova yina ba tubaka na suka yayi, na mutindu nyonso ti Mpeve-Santu tendula yawu na bantima ya bantu.

²⁸⁸ Ntangu yayi ya vwandaka na bantu mingi, Mfumu, mu banza na kati ya nkama yayi awa vwandaka na makumi zole to makumi tatu yina telemisaka maboko ya bawu. Mu me zaba ve yina bawu kele na yawu nsatu, Mfumu. Kasi mu zaba ti kilumbu ya zole kele kaka minuti fyoti na mantwala, mpe mutindu mosi Nkwizulu ya Mfumu kele; kasi, ntete mvula ya mpembe yayi kudyama na ntoto, ba lendaka bokila beto, mpe yayi lendaka vwanda ntangu yina ke soba bilumbu nyonso ya ntwala kana bawu bikana awa to kukwenda.

²⁸⁹ Nzambi ya luzolo, na kukikulumusa nyonso beto ke ndima Yesu, beto ke ndima Bandinga ya Yandi nyonso. Fulusa beto, Mfumu, fulusa beto na Mpeve-Santu ya Nge, ti luzingu ya beto ke pesa kaka mbuma. Pesa yawu, Mfumu.

²⁹⁰ Lemvokila beto banzimbaningi ya beto. Oh, beto kele ya kufuluka na yawu, Mfumu. Mpe beto kele na kima ve yina beto lenda pesa, Mfumu, samu ti, nyonso yina kele na beto, Nge me pesa yawu na beto. Mutindu Gabe tubaka, na mwa disolo yina beto tubaka, “Nge, ya kieleka Nge zola beto, Mfumu, to Nge lendaka sala yayi ve.” Mpe, kubanza, bantu yayi me vwanda awa kubanda na ntangu ya mbote na suka yayi, bayina me vwanda

awa kubanda ngunga ya nana, kele bangunga yiya yina bawu me vwanda awa. Bawu zola Nge, Mfumu. Bawu zola Nge. Ntangu yayi, Tata, Nge ke tinda kaka mafuta ya Mpeve-Santu, zibula meso ya beto. Bika beto . . .

²⁹¹ Bayayi kele awa na kati ya mbanza, bika bawu kwenda nswalu na reveil yina ya nkokila yayi, bika ti ya vwanda na kutiamuka ya mutindu yayi! Pesa yawu, Mfumu. Bika ti reveil ya mutindu ya ntama kubanda awa na kati ya mbanza. Pesa yawu. Sakumuna muntu nionso yina ke basisa, bisadi ya Nge nionso na yinza ya muvimba, yina ke samuna ngolo. Vwanda na bawu, Mfumu, mpe sadisa bawu.

²⁹² Zibula meso ya beto ti beto lenda mona, mingi mpe mingi, mutindu Klisto. Pesa yawu, Mfumu. Lemvokila beto masumu ya beto.

²⁹³ Mpe ntangu yayi bayayi yina me telemisa maboko ya bawu, Tata, mu me pesa bawu na Nge. Yamba bawu. Ntangu yayi mu ke tanga Ndinga ya Nge Mosi, Mfumu, na yina, "Mazulu na ntoto ke kondwa, kasi," Nge tubaka, "yandi," yina kele kiyingili kimuntu, "yandi yina ke kuwa Bandinga ya Munu . . ." Mfumu, ba lendaka panzana mpe kukondwa mpasi, kasi muntu mosi kuwaka bawu. Nkuna kubwaka. "Yandi yina ke kuwa Bandinga ya Munu mpe," muvukisi-bampova, "ke kwikila na Yandi yina fidisaka Munu," samu ti Yandi salaka yayi, "yandi kele (na ntangu ya bubu yayi) Luzingu ya kukonda nsuka, mpe ke kwiza ve na lusambusu na bilumbu ya ntwala, kasi me luta lufwa na Luzingu." Bawu me telemisa maboko ya bawu, Mfumu. Bawu me telemina (konso) musiku ya science; kubenda me telemisa maboko ya beto na yisi. Kasi ba me siamisa ti ya kele na mpeve na kati ya bawu, yina lendaka kuwa kukonkota na kielo, mpe tanda diboko na lweka ya diboko ya bawu ya kibakala na Mazulu. Ntangu yayi zibula kielo. Zibula, Mfumu, mpe kota. Beto kele ya Nge. Yamba beto, na Nkumbu ya Yesu Klisto. Amen.

Mu zola Yandi, mu zola Yandi
 Samu Yandi zolaka munu ntete
 Mpe futaka mpulusu ya munu
 Na yinti ya Calvaire.

²⁹⁴ Beno zola Yandi? Mu ke kukiyufula kana beto lendaka kanga meso ya beto, na mwa ntangu fioti. Ntangu yayi na bantima ya beto, na maboko ya beto na zulu.

Mu zola Yandi, mu zola Yandi
 Samu . . .

²⁹⁵ Beto ke na kundima kukonkota ya Nge, na suka yayi, Mfumu. Maboko ya munu me telemi. Maboko ya beto nyonso me telemi, Mfumu.

Mpe . . .

Ntangu yayi kota, Mfumu Yesu. Kota na bantima ya beto mpe kusakana na beto, mpe beto ke kudya na Nge.

Yinti ya Calvaire!

²⁹⁶ Beno zola Yandi? Oh, mu banza ti Yandi kele mbote mingi! Beno ve? Beno ke wa ve Mwandulu ya Yandi samu na kusukula beno? Mu ke kukitala musambidi ya kieleka ntangu yayi, mu ke kuwa kaka—kaka mbote, kima mosi samu na yawu.

Lukwikilu ya munu ke tala na Nge,
 Nge Mwana-dimeme ya Calvaire,
 Mvulusi ya kinzambi;
 Kuwa munu na ntangu mu ke sambila,
 Nata ntama masumu ya munu nionso,
 O bika ti kubanda bubu yayi
 Mu vwanda nyonso ya Nge!

²⁹⁷ Ntangu yayi mu zola beno, ntangu beto ke yimba nzila yayi yina ke landa ya nkunga yango ya kitoko, ya ntama ya dibuundi, Mu zola ti beno pesa mbote na muntu mosi. Beno bikala kaka na bisika ya beno, beno tuba kaka, “Nzambi sakumuna nge, mpangi-bakala. Nzambi sakumuna nge, mpangi-kento. Kiese mingi na kuvwanda na beno awa!” Beto sala yawu. [Mpangi Branham ke niunguta *Lukwikilu Ya Munu Ke Tala Na Nge*—Mu.] Nzambi sakumuna nge, Carl, mu ke na kiese na kuvwanda awa...?...

²⁹⁸ Beno banza kaka, maboko ya ba-Methodiste me simba ba-Pentecotiste, ba-Baptiste me simba ba-Presbyterien.

O bika...kubanda bubu yayi
 Mu vwanda nyonso ya Nge!

²⁹⁹ Ntangu yayi na yina beto ke na kuyimba malembe ntangu yayi, mpe, na yisi ya ntima ya beno. Beno zaba, na manima ya kuningana, ya Nsangu, Mu banza ti ya kele mbote na kukota na Kimpeve mpe kuyimba, lembami ya Mpeve-Santu.

³⁰⁰ “Oh mutindu mbote ya kele samu na bampangi na kuzinga kintwadi na ngwisani!” Biblia ke tuba, “Ya kele mutindu mafuta ya kupakulama yina vwandaka na mandefo ya Aaron, yina ke kulumuka tii na bansongi ya bilele ya yandi.” Beno kele bantu ya mbote na zulu awa. Mu ke na kivuvu ya kuvutuka samu na kumona beno dyaka ntete Yesu kubokila munu, to Millenium. Kana mu sala yawu ve, mu ke mona beno na simu yankaka ya nzadi kuna. Mu ke kutana na beno na nzadi. Amen. Ya kele dilaka.

Na ntangu mu ke tambula na kati ya mpimpa
 ya luzingu,
 Mpe ya kuzungu na mawa,

Vwanda Ntwadisi ya munu;
 Bika ti mpimpa kusoba na nsemo, (Mwa Nsemo
 yina bawu ke zonzila.)
 Katula masa ya meso ya munu,
 O bika ti kubanda bubu yayi
 Mu vwanda nyonso ya Nge!

³⁰¹ Konso kielo ya kuzibuka! Oh, beno simba kaka fioti buto,
 mpe beno tala yawu nionso ke tambula kaka pene-pene ya
 selekele; kutuba, "Kota, Mfumu Yesu, vwanda Mfumu ya munu,
 nionso ya munu."

O ti kubanda bubu yayi (ve, ti Nge telama na
 kyelo,)
 Mu vwanda nyonso ya Nge!

³⁰² Beno bayina me telemisa maboko ya beno mpe zola
 kuvwanda na ntwala ya lutwadusu ya Mfumu, Mu ke lomba na
 beno na kukwenda na balukutakanu ya reveal na nkokila yayi.
 Mpe mu ke kwikila ti pasteur ke baka beno kubanda awa tii na
 nsuka. Yandi kele na bambongo sambanu ya kisengo, to nyonso
 yina ba pesaka, samu na kukeba, mpe vinu mpe mafuta samu na
 kutsyamuna yawu. Yandi lenda manisa kisalu.

³⁰³ Nzambi sakumuna beno ntangu yayi. Mu ke vutula
 lukutakanu, mu banza, Mpangi Williams, to muntu nyonso yina
 kele... .



BIELO NA KATI YA KIELO KNG65-0206
(Doors In Door)

Nsangu yayi ya Mpangi William Marrion Branham, kulongamaka na Kingelesi, na Kilumbu ya sambanu na suka, na kilumbu ya 6 ya Ngonda ya zole, na mvula 1965, samu na madia ya suka na Lukutakanu ya Yinza ya muvimba ya Bantu ya Mumbongo ya Nsangu ya mbote ya Muvimba na Americana Hotel na Flagstaff, na Arizona, U.S.A., yina bakamaka na bande manietiki mpe basisamaka na muvimba nionso na buku na Kingelesi. Lubangulu yayi na Kikongo basisamaka na buku mpe ba kabulaka yawu na Voice Of God Recordings.

KIKONGO-KITUBA

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kisadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org